

قدمت على المسرح الجديد في موسم ١٩٧٨ من اخراج
الأستاذ شاكر عبد اللطيف وبطولة الأستاذ نور الشريف

بكالوريوس في حكم الشعوب

لو كان هذا هو...
أنا...
...

...
...
...

...
...
...

...
...

...
...
...

...
...
...

...
...
...

...
...
...

...
...
...

...
...
...

المشهد الأول

المكان : عنبر النوم في المدرسة الثانوية العسكرية
في بلد من بلدان العالم الثالث .

الزمان : أمس أو اليوم .. وقد يكون غدا .
(مجموعة من الطلبة مكونة من ثمانية أفراد
يقفون في حالة انتباه صفا واحدا وظهورهم
للصالة .. أمامهم يقف ضابط هو المشرف على
المدرسة)

المشرف : صفا .. انتباه .. ولا حركة .. أشد من كده .. صفا
.. انتباه .. ثابت ، ولا حركة .. منضبطين دلوقت ، لما
عرفتوا انكم حتروحوا في داهية .. صفا .. لما عرفتوا ان
الموضوع خرج من ايدي .. انتباه .. ولا حركة .. لو
تعيان قرصك وانت واقف في الصف ، مالكش دعوة ..
ثابت ولا حركة .. أف كويس يا طالب يا بعكوك انت
وهو .. انتم أسوأ دفعة دخلت المدرسة .. حالا حاييجي
حضرة الضابط وكيل المدرسة وحضرة الضابط المدير ..
حاييجوا يشوفوا كل حاجة على الطبيعة .. كل المنوعات
وكل المصايب الي معاكم حايشفوها بنفسهم .. ويتصرفوا
فيكم ، أف ثابت ، ولا حركة .. بناقص سنة أولى ..
تترفدوا وتيجي دفعة تانية .. آلاف الطلبة واقفين على الباب
نفسهم يدخلوا .. ثابت ، ولا حركة ، خلاص .. أنا أعلنت
فشلي .. أنا .. خريج أكبر كلية عسكرية في بريطانيا ..
مش عارف أسلك مع شوية عميال كانوا في الاعدادية أول
امبارح .. أربع شهور ومش عارف أعلمكم العسكرية ؟ ..

باعتها الجحش وعين والخي

المدرسة خدت قبلكم أربع دفع .. وفيه دفعة اتخرجت ..
أقف ثابت ، ولا حركة ، .. ماشفتش حد زيكم .. استهتار
.. طراوة ..

(يدخل الوكيل والمدير)

المشرف : (صائحا) .. ثابت .. ولا حركة ..

(المشرف يؤدي التحية للوكيل)

الوكيل : صفا .. الانتباه .. ثابت ..

المشرف : ولا حركة ..

(الوكيل يؤدي التحية للمدير)

المدير : صفا .. استرح .. كل الطلبة الي في المدرسة ، باعتبارهم
أولادى .. وانتم عارفين كده كويس .. بس الظاهر الانسان
يبقى له أحيانا بعض أولاد وحشين .. واذا كان ده مسموح
بيه في الحياة المدنية الا أنه غير مسموح بيه اطلاقا في الحياة
العسكرية .. كل التقارير المرفوعة لى من حضرة الضابط
المشرف على المدرسة ، بتخلينى أشعر بالحزن .. المدرسة
ماشية زى الساعة ، ماعدا سنة أولى .. وبمعنى أصح
المجموعة (أ) من سنة أولى .. كنت فاكركم على وعى بحالة البلد
.. احنا حصلنا على استقلالنا من خمس سنين بس .. عندنا
ثلاث مدارس ثانوى وكلية آداب لسه فاتحة السنة دى ..
لكن أهم مدرسة عندنا .. هى الثانوية العسكرية الي انتم

بنتشرفوا بالانتساب اليها .. لحد دلوقت ماعندناش جيش
محترف .. حتى أول دفعة اتخرجت .. طلعت البعثات برة
.. ومارجعتش تانى .. وماعندناش بوليس كفاية يجيبهم
.. صحيح بلدنا فقيرة .. لكن تقرير الخبراء يقول اننا
عالمين على بحيرة بتروى .. أرضنا صحرا .. لكن الصحرا
دى ، فيها مياه جوفية تزرع نص الدنيا .. انتباه ..

(يعودون للانتباه في حركة قوية)

الوكيل : ثابت ..

المشرف : ولا حركة ..

المدير : انتم طليعة البلد .. صفا .. انتم الأهل .. انتباه ..

الوكيل : ثابت ..

المشرف : ولا حركة ..

المدير : لما حاتظهر ثروة البلاد .. الكل حايطمع فينا .. ولا بد من
وجود جيش قوى .. وانتم عماد هذا الجيش .. أنا عندى
لكم خبر مؤلم .. صاحب العزة ، رئيس البلاد ، عيان جدا
.. بيحضر .. وده سر .. أول حد يعرفه الطبيب الخاص
بتاعه .. وأنا .. وأنتم ..

الوكيل : (هامسا) .. الخبر أذاعته مونت كارلو .. ولندن
وصوت أمريكا .. والقاهرة .. وبغداد .. ودمشق ..
والرياض ..

المدير : عارف .. وكل جرايد العالم نشرته .. بس آخر تعليمات
عندي أنه لا يزال سر .. (للطلبة) .. البلد .. مقبلة على

فترة حرجة .. و جازين تحصل متاعب .. ولى العهد صرح
لوكالات الأنباء أنه ماقدرش يحكم ويسيب أعماله التجارية
.. مجلس الأعيان بدأت الصراعات تحصل جواه .. وده أمر
طبيعى .. أنا باقول لكم الكلام ده .. عشان تبقوا رجاله
وتتحملوا مسئولية المستقبل .. من غيركم مش حا يكون فيه
مستقبل (يخرج ورقة صغيرة من جيبه يقرأها) .. طارق
الريس ..

طارق : أفندم ..

المشرف : للخلف در .. خطوة للأمام ، مارش .. صفا .. انتباه ..

(طارق يقوم بتأدية الحركات المطلوبة منه)

الوكيل : سريره فين ؟

المشرف : أهو ..

(الوكيل يخرج من تحت مرتبة السرير عدة كتب
ومجلات وراديو ترانزيستور)

الوكيل : كتب ومجلات .. مخبئها في سريره .. (يقرأ) .. ماهية
الوجود .. ايه ياخويا ؟ .. مش عاجبك الماهية اللي بتدفعها
لك المدرسة ؟ في كل البلاد الثانية ، الطالب هو اللي بيدفع
مصاريف .. (يعثر على صورة فوتوغرافية) .. وأدى صور
عريانة ..

طارق : مش ممكن يافندم .. أنا ما عنديش صور عريانة

الوكيل : اخرس .. بتكذبني يا طالب .. أدى صورة بنت وشها
عريان ..

طارق : دى خطيبتى ..

المدير : ما حدش طلب منك ترد .. وممنوع تخطب وانت طالب ..
أنا حافتش انك ما عرفتش المعلومة دى .. أقف ثابت ..

المشرف : ولا حركة ..

الوكيل : جيل منحدر .. أنا عشت عشرين سنة مع هرااتى ..
وماتت من غير ما أشوف وشها ..

(يمسك أحد الكتب ويلقيه بسرعة على الأرض
كما لو كان لدغ منه)

الوكيل : يادى المصيبة .. يادى الليلة اللي مش فايتته ..

المدير : كتاب ايه ده ؟

الوكيل : شوف بنفسك يا أفندم .. أنا ما قدرش أنطق اسمه ..

(المدير يلقي على الكتاب نظرة سريعة ، يبتسم
ابتسامة خفيفة يداريها بسرعة ، ويحدث طارق
في غضب مصطنع)

المدير : يخرب بيتك .. يخرب بيتك يا طارق ..

طارق : حاضر يافندم ..

المدير : ماتردش على ..

طارق : حاضر يافندم ..

المدير : ثابت ..

المشرف : ولا حركة ..

المدير : جمهورية أفلاطون ؟ .. كلمة جمهورية دى ممكن تقفل المدرسة وتحاكمنا كلنا .. دى حتى النسخة الوحيدة الموجودة فى مكتبة القصر .. مترجمة باسم مملكة أفلاطون .. الكتاب ده يتحرق فوراً ..

طارق : حاضر يافندم .. أصله
المدير : ثابت ..

المشرف : ولا حركة ..

(الوكيل يمسك ببضعة كتب أخرى)

الوكيل : كتب تاريخ .. وياريت تاريخنا الى كله شجاعة وبطولة .. تاريخ أجنب ..

طارق : فيه تاريخنا يافندم تحت المخذة ..

المدير : ثابت ..

المشرف : ولا حركة .. عامل لى زعيم فى وسطهم .. وكل كلامه وأفكاره مستوردة من بره المدرسة ..

المدير : شهر حرمان من الفسح .. وسبعة حجز قشلاق .. (ينظر فى الورقة وينادى) سعد السياف ..

سعد : أفندم ..

المشرف : للخلف در .. خطوة للأمام مارش ..

(الآن يواجه الصاله)

المشرف : دائم الاخلال بالضبط والربط وحسن انضباط المظهر العسكرى .. امبارح مررت عليه فى الخدمة لقيته نايم ..

الوكيل : الحاجات دى تحصل من حد تانى يا سعد يا سياف ..

انت الوحيد الي يجب أن يكون قدوة فى الضبط والربط ..

انت من عيله كلها سيافين .. أبا عن جد .. أبوك الله يرحمه ..

كان بيحط الخمسة جنب بعض ويضرب رقابهم بالسيف ..

ضربة واحدة .. عارف كده والا ماتوعاش عليه .. ؟

سعد : عارف يافندم .. كان بياخذنى يفرجنى وأنا عندى ثلاث ..

سنين .. عشان كده لما باشوف لون أحمر بأحسن انى عاوز ..

أتقايأ ..

الوكيل : لأنك خرع ..

سعد : حاضر يافندم ..

الوكيل : ثابت ..

المشرف : ولا حركة ..

(يخرج بعض الكتب من تحت المرتبة)

الوكيل : شعر .. وقصص حب .. وقلة أدب .. طالع رقيق لمين ..

ياخويا ؟ .. انت عاوز تلوث تاريخ عيلتك ؟ .. ماكنت تدخل ..

ثانوى أحسن لك وتدخل كلية الآداب .. عشان تجيب لأهلك ..

العار ..

المدير : شهر حرمان من الفسح .. وخمسة حجز قشلاق ..
غيره ..

المشرف : أحمد تعليب ..

أحمد : أفندم ..

المشرف : للخلف در .. خطوة للأمام مارش .. ده أحسن طالب
عندى مثال للضببط والربط .. حايفسد لو فضل فى
المجموعة دى ..

الوكيل : مش انت ابن تعليب بتاع الشرطة .. ؟

أحمد : أيوه يافندم ..

الوكيل : ونعم الناس .. عيلتك يابنى ولمدة مائتين سنة قدمت
للبلد أحسن مخبرين .. جلدك الكبير تعليب البراق ابن
البصاص .. كان يبص من خرم الباب يعرف الى قاعدين
جوه بيفكروا فى ايه ..

المدير : (باستياء) .. غيره ..

المشرف : ابراهيم كروان ..

ابراهيم : أفندم ..

المشرف : للخلف در .. خطوة للأمام .. مارش ..

الوكيل : كل جدوده وأعمامه من كبار رجال الفقه والنحو واللغة
.. ومع ذلك أبوه طلع مغنى .. مش كده ؟

ابراهيم : أيوه يافندم ..

الوكيل : أبوك غلبنى لما كنت ماسك الأمن فى بلدكم .. أيام ما كان
الغنا حرام .. كان عامل أوضة تحت الأرض بيغنى فيها
لأصحابه ، ويعزف لهم على العود .. حاصرته عشر سنين ..
ومع ذلك فشلت أضبطه ممتلبس .. اوعى تكون طالع له ..

ابراهيم : (باستنكار شديد) .. أعوذ بالله يافندم .. أعوذ بالله ..

المدير : معلوماتى انك أحسن واحد يعرف عربى فى المدرسة ..

ابراهيم : تقريبا يافندم ..

المدير : أمال مين الى كان بيغنى فى الميز امبارح بعد العشا ؟

ابراهيم : أعوذ بالله يافندم .. ما كنتش بغنى .. كنت باقول
تواشيخ ..

(الوكيل يخرج من سريره عدة شرائط كاست
وجهاز ريكورد صغير)

الوكيل : أغانى وتواشيخ من كل نوع ..

المدير : شهر حرمان من الفسح .. وخمسة حجز قشلاق .. غيره ..

المشرف : الأربعة الى فاضلين من الجماعة لا حول لهم ولا قوة ..
لكن حايفسدوا .. طارق الرئيس بيحكى لهم حواديت من
التاريخ وبيشرح لهم حاجات تانية منيلة بستين نيلا .. أسامة
الزهار .. خليل الجمال .. مرسى محمده أحمد .. حسن
أبو جراب .. للخلف در .. خطوة للأمام .. مارش ..

المشهد الثاني

(ظهور تدريجي للاضاءة على أحمد تعيلب وقد بدأ يخلع ملابسه ويرتدي البيجاما .. يدخل طارق الرئيس ..)

أحمد : حرقت كل الكتب ؟

طارق : مش كلها .. الي شافوها بس .. الكتب المهمة ماشافوهاش .. لأنها جوه القطن بتاع المرتبة .. يعني انت يا أبو حميد طلعت أحسن طالب قينا ..

أحمد : طبعاً .. أنا طالب مثالي ..

طارق : مثالي في ايه ياخويا ؟ .. انت بتعمل كل التصايب الي في الدنيا ..

أحمد : لكن متغطى .. متدارى .. مش المهم الانسان يبقى كويس المهم أن الآخرين تبقى فكرتهم عنه كويسة ..

طارق : في الغالب حاتطلع الأول علينا .. ولما نتوزع على الأسلحة ، حاتسبقنا في الترقية ..

أحمد : أنا دخلت المدرسة العسكرية عشان هدف واضح محدد ..

طارق : تبقى ضابط كبير ..

أحمد : تـؤ ..

طارق : رئيس مجلس ادارة شركة ؟

أحمد : تـؤ ..

المدير : أسبوعين حرمان من الفسح .. وثلاثة حجز قشلاق .. على سبيل التحذير .. عشان تصحصحوا .. (لبراهيم)

ابراهيم : أفندم ..

المدير : تعال لي مكتبي بعد ربع ساعة ..

ابراهيم : حاضر يا أفندم ..

المدير : (للمشرف) وزع الخدمات ..

(الضابط المشرف يجهيها ، يخرج المدير والوكيل)

المشرف : أسامة ..

أسامة : أفندم ..

المشرف : سور الكلية الغربي .. خليل ..

خليل : أفندم ..

المشرف : سور الكلية البحري .. حسن ..

حسن : أفندم ..

المشرف : السور القبلي .. سعد ..

سعد : أفندم ..

المشرف : باب السلاحليك .. صفا .. انتباه .. انصراف ..

(اظلام سريع للاضاءة مع كلمة انصراف وتصاعد المؤثر الصوتي لمدة عشر ثواني ثم ظهور تدريجي للاضاءة)

طارق : بطل عسكري ، من أبطال حرب الاستقلال .. لسوء حظك
الاستعمار خرج من عندنا بمزاجه ..

أحمد : الأهداف الخيالية دى يفكر فيها الى زيك .. (لحظات) ..
أنا فى أول فرصة حاعمل انقلاب .. وأمسك الحكم ..

طارق : ايه ... يخرّب بيتك ..

(ينفجر ضاحكا)

أحمد : أمال انت فاكرنى حاتخرج ملازم تانى ، وأول ، ونقيب ..
ورائد وعقيد وعميد .. وكل رتبة من دول عاوزة مذاكرة
وفرق .. وبعثات .. ولما أشم نفسى ومرتبى يبقى كويس ..
أطلع على المعاش ..

طارق : نقبك على شونة .. الانقلابات العسكرية من هنا ورايح ..
ماعادتش مجزية .. مش حاجيب همها ..

أحمد : ليه ..

طارق : عيبك انك مابتقراش جرايد .. ولا بتتابع اذاعات ..
الأمم المتحدة خدت قرار أن أى حاكم عسكري .. لازم يكون
حاصل على بكالوريوس فى حكم الشعوب .. لأن حكم الشعوب ،
مهنة .. صنعة .. فن ، زى الطب وزى القانون .. وزى
المحاسبة .. بل أصعب من دول كلهم ..

أحمد : والأمم المتحدة حاتمنع الانقلابات ازاي ؟

طارق : ماחדش فى الدنيا يعرف يمنعها .. حاترشدها .. فيه
أكاديمية أنشئت فى الأسبوع الى فات فى جنيف ..
الأكاديمية دى حايدخلها كل رؤساء الحكومات العسكرية ..

الى ينجح ، ياخذ بكالوريوس فى حكم الشعوب .. ويبقى
حاكم شرعى معترف بيه فى الأسرة الدولية ..

أحمد : يا سلام يا طارق .. انت هايل .. فاهم كل حاجة ..
أوعدك .. بمجرد ما أوصل للحكم .. حاعملك رئيس وزارة
.. أو وزير خارجية على الأقل ..

طارق : أهو كلام .. أهو كلام بنسمعه منكم وانتم بره السلطة ..

أحمد : لا والله ، والعيش والملح ..

طارق : أبو حميد مفيش داعى نضحك على بعض .. انت لو حكمت
فى يوم من الأيام .. حاتحطنى فى السجن ، أنا وكل
الى زبى ..

أحمد : ليه لا سمح الله ..

طارق : دلوقت انت ماتعرفش ليه .. لكن لما تحكم ، حاتعرف ..
ساعتها حاتلاقى أسباب وجيهة جدا ..

أحمد : (ضاحكا) .. احنا بنتكلم كما لو كانت المسألة جد ..

طارق : ليه لا .. ما هى بتبتدى كده ..

أحمد : طب افرض فيه واحد عمل انقلاب .. والتحق بالأكاديمية ..

طارق : أيوه ..

أحمد : وماعرفش عيش فى الدراسة .. وسقط فى البكالوريوس ..
يشيلوه .. ؟

طارق : يشيلوه ازاي ؟ .. حايبعتوله جيش ؟ .. حايبقى تدخل
فى شئون الغير .. واعتداء على استقلال دولة بالاضافة الى

أن الأمم المتحدة ما عندها شقوة تنفذ بيها قراراتها •• عارف
زى ايه ؟ •• زى خالتي تقعد فى الحوش على الكنية وأولادها
نازلين ضرب فى بعض •• وهى تقعد تقول •• بس يا واد ••
يا واد ماتضربش أخوك يا واد •• يا واد سيب أخوك يا واد ••
أحمد : آمال يعملوا فيه ايه ؟ ••

طارق : ينشروا ورق الاجابة بتاعه •• ويعلنوا درجاته على العالم
كله ••

أحمد : آه يفضحوه •• يجرسوه •• يقولوا أخذ صفر فى
الديموقراطية •• اتنين على عشرة فى الأخلاق •• صفر فى
التاريخ ••

طارق : ده انت بتقول الدرجات الي ممكن تاخذها بالضبط ••
أحمد : فشر •• لا وشرفك •• لازم أخذ الفل مارك فى كل مادة ••
وأخذ البكالوريوس بامتياز مع مرتبة الشرف •• لكن افرض
•• افرض يعنى انى سقطت •• مايقاليش كرسى فى الأمم
المتحدة ••

طارق : يبقى لك •• ويبقى لك مندوب •• بس مالكش حق
التصويت •• تبقى عضو فى الأسرة الدولية صحيح •• بس
عضو منتسب ••

أحمد : وبقية الدول حايبقى موقفها منى ايه •• ؟

طارق : هى حرة •• تعترف بيك •• ما تعترفش •• بس على
الأقل •• يبقى معروف فى العالم كله انك ساقط •• ويتحكم
من غير مؤهل ••

أحمد : مش مشكلة •• الواحد لما يوصل للحكم •• يبقى يقلع
الكاكي •• ويبقى يلبس مدنى •• وما يدخلش الاكاديمية دى ••
طارق : هو الكاكي لابس يا ابو حميد •• الكاكي مفهوم •• وجهة
نظر •• وبرضه الأمم المتحدة عاملة حسابها للحيل الي من
النوع ده تعريف الحاكم العسكرى •• هو كل حاكم يصل
للسلطة بلا انتخابات شعبية ••

أحمد : الله •• انت حاتقفلها ليه ؟ •• نبقي ندخل الاكاديمية
ونتصرف •• نشترى الامتحانات ، نشترى الاساتذة ••
نشترى الاكاديمية كلها ••

طارق : على رأيك •• مش مشكلة •• احنا دلوقت فى عصر شرا
كل شىء •• ممكن تشتري جوز ملكة •• رئيس حزب فى
اليابان •• عصر مخجل •• ومين عارف •• يمكن البلية تلعب
معاك ••

(يدخل ابراهيم كروان ، مضطربا قليلا •• ولكنه
يحاول أن يبدو هادئا •• يجلس على سريره ، يخرج
من جواره سيجارة ويشعلها)

أحمد : المدير كان عاوزك ليه يا ابراهيم ؟

ابراهيم : ولا حاجة •• كان بياكد على ماغنيس تانى ••

طارق : لا يا شيخ •• طب ما كان يأكده عليك قدامنا ••

أحمد : تلاقيه بيتفق معاه على حفلة خاصة •• عاوزك تروح تغنى
للأولاد ؟

ابراهيم : أعوذ بالله ..

طارق : صحيح كان عاوزك ليه .. ؟

ابراهيم : حاجة شخصية ..

طارق : برهم .. عم الشيخ ابراهيم .. احنا فيه بينا أسرار ؟

(يدخل وكيل المدرسة ، الثلاثة يهبون واقفين في حالة انتباه)

الوكيل : ابراهيم ..

ابراهيم : أفندم ..

الوكيل : حصلنى على المكتب ..

(الوكيل يخرج)

طارق : (معلقا أثناء خروج ابراهيم) .. أيوه يا سيدى .. الفقى لما يسعد ..

(يخرج ابراهيم)

احمد : حاجة غريبة ..

طارق : مفيش حاجة بتستخبي .. حانعرف ..

(يدخل المشرف فيقفان انتباه)

المشرف : ابراهيم فين ؟

٣٠٠

طارق : عند حضرة الضابط ..

المشرف : رايح يعمل ايه .. ؟ .. المفروض أى حاجة يبلغها لى أنا ..

طارق : حضرة الضابط الوكيل هو اللى طلبه دلوقت ..

المشرف : بمجرد ما يوصل يبجى لى فوراً .. أنا فى مكتبى ..

طارق : حاضر يافندم ..

(يخرج المشرف)

أحمد : سوقه على قوى ابراهيم .. الطلبات بتتزايد عليه جامد .. ايه الحكاية ؟

طارق : حانعرف .. يا خبر بفلوس .. بكره يبقى ببلاش ..

أحمد : على رأيك .. انما انت تعتبر لغز بالنسبة لى يا طارق .. أربعة شهور مع بعض دلوقت وماعرفتش عنك حاجة غير انك انسان مثقف وبتحب خطيبتك .. ايه أحلامك .. ؟

طارق : أنا أحلامي بسيطة جدا .. ما عنديش أهداف ولا آمال كبيرة زيك ..

أحمد : آمال دخلت الثانوية العسكرية ليه .. ؟

(تبدأ الاضائة فى الخفوت ماعدا دائرة الضوء التى

يوجد فيها طارق .. تظهر عابدة خطيبة طارق)

طارق : حبيبتى أنا دخلت المدرسة العسكرية علشانك .. ثلاث

سنين وابقى طابط .. لى مكان .. ومعايا مرتبى .. ونتجوز ..

٣٠١

بعد كده حايبقى عندي فرصة آخذ ثانوية عامة وأدخل كلية الآداب .. مين عارف يمكن أعرف آخذ الدكتوراه ..
عايدة : ولما تموت في الحرب ..

طارق : مش حايحصل حروب في المنطقة بعد كده .. الحرب الوحيدة اللي احنا داخلينها دلوقت .. هي الحرب ضد الغلاء .. ودي مش حامت فيها لوحدي .. كلنا حانموت فيها ..

عايدة : حاخرج معاك وأنا كاشفة وشي .. ؟

طارق : طبعا .. وحاكون فخور بيكي ..

عايدة : حاتسمح لي أشتغل .. ؟

طارق : لا .. مش حاسم لك .. خارجوكم انك تشتغلي .. البيت حايبقى محتاج انك تشتغلي .. وبلدنا محتاجة انك تشتغلي ..

عايدة : حايبقى عندنا بيت صغير وأولاد صغيرين .. ؟

طارق : أولاد صغيرين دي مضمونة .. بيت صغير حلم بعيد قوى ..

عايدة : عارف يا طارق وأنا معاك باحس بايه .. باحس اني انسانة .. تفنكر اليوم ده حاييجي يا طارق .. ان الست في بلدنا تحس انها انسانة ..

طارق : حاييجي غصب عن الكل ..

عايدة : النهاردة سمعت عمي يقول لمراته يا حرمة ، من الحرام .. تصور .. الست حرام .. يعني أنا حرام ..

طارق : حبيبتى انتي حلال جدا .. وحرام عليكى تقولى كلام من النوع ده .. ما تشغيلش بالك بالمسائل دي .. أنا يهمنى تذاكري

.. وتنجحي .. من حسن حظك ان أبوكى راجل متحضر ، بيعاملك زى أخوكى بالضبط ..

عايدة : ده مجتمع رجالة بس .. نص مجتمع يعنى .. رجالة خايفين من وش المرأة .. من صوتها .. من عنبها .. من جسمها .. من وجودها نفسه .. يبقوا رجالة .. (تتردد) .. أقول والا تزعل ؟ ..

طارق : اوعى تقولى الكلام ده في المدرسة .. ليرفدوكى .. الجرأة الزيادة حماقة ..

عايدة : كل البنات بتقوله في المدرسة .. لو سمعت مغامراتهم والي بيعملوه في الصيف في لندن وباريس .. شعرك يشيب ..

طارق : سيبك من القضايا الكبيرة دي .. طمنيني .. عاملة إيه في الرياضة .. ؟

عايدة : زفت .. الست اللي بتدينا الرياضة مابفهمش منها حاجة ست في منتهى القسوة .. كل يوم تجيلنا عينها وارمة ، راسها مبطوحة ، علامات زرقا على دراعاتها .. اللي بيحصل لها من جوزها .. بتعكسه علينا .. ضربتني امبارح خمستاشر عصاية ..

طارق : ضربتك فين ؟ ..

عايدة : على ايدي ..

(ياخذ كفيها ويقبلهما)

طارق : (ينظر في ساعته) .. ميعاد المدرسة .. لازم أسلم نفسي قبل الساعة ثمانية ..

سعد : الليلة دى أنا تعبان جدا .. وعندى خدمة كنتجى .. تسيبونى
أنام .. يعنى لا كوتشينة ولا طرقة .. ولا فرقة ..
ولا مزىكة بصوت على ..

أحمد : ماتكلمش الى أقدم منك باللهجة دى ياله ..

سعد : أقدم منى فى ايه ياخويا .. احنا دفعة واحدة ..

أحمد : اسمى قبل اسمك ..

أسامة : أنا كمان داخل أنام .. لو قلت ، حانزل فيكم ضرب ..
شوفوا لنا سيجارة ..

(أحمد يقطع سيجارة نصفين ويتقاسمها معه)

سعد : (ينتبه فجأة وهو فوق سريره) .. الليلة دى حصل حاجة
غريبة قوى .. عربية شيفروليه كبيرة .. طافية كل الأنوار
.. وجت وقفت جنب السور الغربى .. ونزل منها واحد
خواجة ومعاها شنطة سمسونايت ..

أحمد : شكله ايه .. ؟

سعد : منزل البرنيطة على وشه .. وراح داخل على المكتب ..

خليل : غريبة .. نفس الحكاية حصلت جنب السور القبلى ..
عربية رولز رويس كبيرة .. منورة النور الصغير .. جت
وقفت جنب السور .. ونزل منها واحد خواجة ومعاها شنطة
سمسونايت .. وراح داخل على المكاتب ..

(صوت موتور سيارة ، أحمد يلقى نظرة سريعة
من خلال النافذة)

عقاريت مصر الجديدة - ٣٠٥

عايدة : حاشوفك الخميس الجاى ؟

طارق : اذا ماتحبستش ..

عايدة : حاول ماتحبستش .. لو ماشفتكش الخميس الجاى
حاتجنن ..

طارق : وأنا كمان ..

(تخرج بهدوء ، البروجي يهزف نوبة رجوع فى
الوقت الذى تعود فيه الاضاءة الى ما كانت عليه)

أحمد : واضح انك بتحبها ..

طارق : أنا باحب كل حاجة فى الدنيا .. كل شىء ..

أحمد : يا أخى نفسى أحب الحب الكبير قوى ده .. أى واحدة
باحبها .. يادوب باحبها ربع ساعة بس .. تلت ساعة
بالتكر ..

(صوت موتور سيارة يبتعد ، طارق يلقى نظرة
سريعة من خلال النافذة)

طارق : عربية جيب طالعة .. وفيها مجموعة بالسلاح .. فيه
طوايز الليلة دى ..

أحمد : يبقى الراجل ، الله يرحمه ..

(يدخل سعد وأسامة ، سعد يصعد الى سريره
بكامل ملامسه)

أحمد : يبقى أكيد الراجل مات .. وفيه طوارىء الليلة دي ..
عربية جيب تانية وفيها مجموعة بالسلاح ..

خليل : (يقف) .. عن اذنكم .. حاروح أنام .. أوضتكم دي
تعلم الفساد ..

طارق : ليه ..؟ الكوتشينة حاتطلع دلوقت .. والسبخان حايظهر
.. والشاى حايتمعمل .. والقعدة حاتحلو ..

خليل : لا ياخويا .. انت عاوزنى أنام فى الخدمة والا ايه ..

(يخرج من الكالوس الآخر ، مرسى يدخل ، يقطع
المسرح فى طريقه للخروج .. يستوقفه طارق)

طارق : أهلا يا ابو الامراس .. استنى رايح فين ؟

مرسى : رايح أنام .. عاوزين تودونا فى داهية والا ايه .. ؟ ..
خلاص .. بطلت كوتشينة ..

طارق : تعالى أقعد .. (يعطيه سيجارة) .. دخن السيجارة دي

وروح نام .. لسه ماضربتش نوم .. الى ضربت من شوية
دي .. نوبة رجوع ..

(مرسى يجلس على احد الأسرة ويشعل السيجارة
.. يركن سلاحه بجواره ، من الطبيعي أن الطلبة
الذين كانوا فى نوبات حراسة معهم بنادق)

طارق : انت كنت خدمة على السور الشرقى ؟

مرسى : أيوه ..

طارق : ماحصلش حاجة غريبة وانت واقف ؟

مرسى : آه حصل .. التلات أتوبيسات بتوع المدرسة طلعلوا ..

طارق : طلعلوا فاضيين .. مش كده .. ؟

مرسى : أيوه ..

طارق : ماحصلش حاجة تانى ؟

مرسى : لا ..

طارق : لا ازاي يا مسطول .. يعنى مافيش عربية جت ووقفت
جنب السور الشرقى ؟

مرسى : آه .. آه .. فيه عربية سودة فخمة .. جت ووقفت جنب
السور ..

طارق : ماركتها ايه ؟

مرسى : ماعرفش ..

أحمد : مع انك غاوى عربيات .. وبتقول لنا على كل الماركات الى
فى الدنيا ..

مرسى : شكلها غريب فعلا .. بس فخمة ..

طارق : نزل منها واحد خواجه .. سمين شوية كده ..

مرسى : فعلا .. انت شفته .. ؟

طارق : لا .. وماكانش شايل فى ايده حاجة ..

مرسى : صح .. وايده كانت فاضية ..

طارق : وخطوته عسكرية شوية ..

مرسى : فعلا ..

طارق : وراح داخل على المكاتب على طول ، من غير ما يبص يمينه ولا شماله ..

مرسى : ده اللى حصل .. ليه ؟

طارق : لا .. ولا حاجة .. قوم نام انت ..

(مرسى يدخل الى الغرفة الأخرى ، في نفس اللحظة التي نستمع فيها الى صوت دوران موتور وانطلاق سيارة ، أحمد يتابعه بنظره من النافذة .. يدخل حسن أبو جراب في طريقه لغرفته)

حسن : سلام عليكم ..

طارق : أهلا يا أبو علي .. ماتقعد تاخد شاي ..

حسن : أقعد آخذ شاي ..

طارق : انت كان عندك خدمة على السلاحليك ..

حسن : أيوه .. بس ماوقفتش ، حضرة الضابط المشرف غيرنى .. ووقف طالب من بتوع سنة تانية ..

طارق : أمال كنت فين ؟

حسن : كنت فى الميز بانفرج على التليفزيون ..

طارق : وانت جاي من الميز ، مريت طبعا على سنة رابعة وتالته وتانية ..

حسن : أيوه ..

طارق : مين فيهم لابس طوارىء .. ؟

حسن : كلهم ..

طارق : ليه .. ؟

حسن : ماعرفش .. أنا سألت واحد من بتوع سنة رابعة .. عمل نفسه مش سامعنى .. واد من سنة تالته ، قال لى اتكل على الله .. واد من سنة تانية شحط فى ..

طارق : طب روح نام ..

حسن : أمال فين الشاي ؟

طارق : شاي ايه يا مجنون .. احنا عندنا شاي هنا .. ؟ .. (يعنفه) .. احنا فاتحينها قهوة .. ؟

حسن : (ساخطا) .. الله .. مش انت اللى قلت لى أقعد خد شاي ؟

طارق : الله .. ده بيقول لى الله ..

أحمد : عامله ميرى أحسن ..

طارق : (بانفعال غاضب ينقصه الصدق) .. أقف الانتباه وانت بتكلم حكمدارك .. (حسن يتلکأ فيصيح فيه) .. للخلف رد .. على أوختك .. سريعا مارش ..

(حسن يجرى داخلا غرفته .. قبل أن يخرج

يلتفت لطارق) ..

مصن : نفسي أقابل حد في المدرسة دي مايشخطنش مي ..

(يخرج)

أحمد : طلعت بايه يا شرلوك يا هولمز .. الراجل الملك مات ..
مش كده ؟

طارق : راجل مين اللي مات يا أهبل .. الراجل ميت من أسبوع ..
حاطينه في الانعاش وهوصلين جسمه بقلب صناعي وكلية
صناعية ورثة صناعي .. كله صناعي .. بس يعتبر ميت
من الجمعة اللي فاتت ..

أحمد : أمال ايه اللي بيحصل .. ايه العريبات اللي وقفت دي .. ؟
طارق : الشيفروليه الأولانية بتاع السفير الأمريكي .. والرولزرويس
بتاع السفير الانجليزي ..

أحمد : والعربية اللي ما نعرفلهاش ماركة ..
طارق : فولجا روسي .. واللي جاي بايده فاضية السفير السوفيتي
.. القوي الأعظم نايمه معانا في المدرسة الليلية دي
يابو حميد ..

أحمد : يعني ايه ؟ القوي العظمى حاتعمل انقلاب ثلاثي .. ؟ متفقين
يعني .. ؟

طارق : لأ .. كل قوة بتشتغل لحسابها .. يعني ممكن أمريكا تكون
مربطة مع سنة رابعة .. انجلترا مع سنة تالتة .. الاتحاد
السوفيتي مع سنة تانية .. وفيه احتمال تاني وده الأرجح
.. انهم مش مربطين ولا حاجة .. بس مخبراتهم عرفت
فجم يعرضوا خدماتهم .. الشنط السمسونات دي فيها

الفلوس والنصايح .. هم بيسموها نصايح .. بس هي
تعليمات طبعا ..

أحمد : والسفير السوفيتي مش جايب معاه فلوس ليه ؟ .. عاوز
يعمل انقلاب شكك ؟

طارق : لا أبدا .. هو جاي الأول يشوف ايه اللي بيحصل على
الطبيعة .. ويطلع جرى على السفارة ، يكتب تقرير عاجل
وبيغته موسكو بالشفرة .. أو باللاسلكي .. المخابرات
الأمريكية طبعا حاتلقطه بالقمر الصناعي ، بالقمر الطبيعي
بالشمس ، بالهوا .. بالنجوم .. بأى حاجة .. وتروح
طابعة منه عشرة آلاف نسخة توزعها على سفاراتها .. التقريرين
حايوصل الخارجية في موسكو .. الخارجية حاترفعه لمكتب
الحزب .. مكتب الحزب حايحوله لقسم العالم الثالث في
المخابرات .. بعد كده يتحول لادارة الانقلابات .. يترفع
لمجلس السوفييت الأعلى .. ينزل تاني لقواعد الحزب .. في
الآخر الورق كله يتحول للخارجية .. الخارجية تاخذ
القرار ..

أحمد : يكون حصل خمسة وعشرين انقلاب ..

طارق : صح .. يدوروا على السفير السوفيتي عشان يبلغوه القرار
.. يلاقوه قاعد في موسكو .. هو وكل موظفين السفارة
بيستنوا بلد تانية يتعينوا فيها ..

أحمد : والأمريكان .. ؟

طارق : لأ .. الأمريكان حاجة تانية .. جاهزين .. السفير يفتح
السمسونات .. تلاقيا مرصوفة دولارات من فوق
الوش .. ويروح قافلها تاني ..

أحمد : وتحت الدولارات ؟

طارق : فراخ .. جينة .. زبدة .. شوكلاته .. مضافة ..
الله ؟ فين يا سيدى الدبابات .. ؟ جاية حالا .. فى السكة
.. محطوطة فى المينا .. بس لما الكونجرس يوافق .. ويروح
باعت لك شوية رشاشات ومسدسات .. طب عاوز طيارات
... من عيني .. بس صبرك على لما آخذ موافقة الكونجرس
.. ويروح باعت لك شوية عربيات .. فى الآخر تصرخ بقى
.. الحقونا بحاجة المسألة حايبقى شكلها وحش .. يروح
باعت لك شوية من الكونجرس يتسموا لك ...

أحمد : يعنى ايه .. مفيش أمل فى الاتنين ..

طارق : لازم يبقى عندك أمل فى نفسك .. قبل ما يبقى عندك أمل
فى حد ..

أحمد : آه .. أمل فى نفسى .. جينا للجد .. احنا حايكون
دورنا ايه ؟ ..

طارق : فى ايه ؟ ..

أحمد : فى اللى بيحصل ده كله .. ؟

طارق : ولا حاجة ..

أحمد : يعنى حانطلع من المولد بلا حمص ؟

طارق : طبعا ..

أحمد : (تفلت أعصابه) .. نعم .. ده بعدهم .. والله العظيم
أرواح فيهم السجن .. هم العيال بتنوع سنة رابعة والا تالته
ولا تانية .. أجدع مننا ؟ ..

طارق : وطى صوتك يا مجنون ..

أحمد : أوطى صوتى ؟ .. دول بيقتضوا على أحلامي .. بيلمروا
مستقبلى .. أستنى أنا بقى مائة سنة لحد ماييجى النور على
وأعمل الانقلاب بتاعى ..

(يرتدى ملابس به سرعة)

طارق : حاتعمل ايه يا مجنون ؟

أحمد : فيها لاخفيها .. حاخرج أشوف لى قوة عظمى من دول أتفاهم
معاهم ..

(طارق ينهض ليمنعه فى حزم من تكلمة ارتداء
ملابسه)

طارق : اسمع يا انسان يا أهبل انت .. المسائل مش عبطت ..
ومش هزاز .. المسألة جد .. وخطر كمان .. ممكن يقتلوك
ويقتلونى .. اعقل ، البس بيجامتك ونام .. وعدى الليلة
دى على خير .. فيه احتمال ينزلوا ضرب فى بعض .. خلينا
بعيد احنا ..

(يقاومه)

أحمد : سيبنى يا طارق .. سيبنى أرجوك .. لازم الحق حاجة ..

طارق : حاتلحق ايه بس يا معتوه .. ؟

أحمد : أى حاجة .. انشا الله حتى وزير أوقاف .. شئون
اجتماعية .. شباب .. أى حاجة من دى ..

(فجأة يتوقف ويهدأ قليلا .. يبدو انه عرف
الحصل)

أحمد : بس .. لقيتها ..

(يتجه نحو الكالوس الذي يؤدي للغرفة الأخرى)

أحمد : (صائحا) .. خليل .. حسن .. مرسى .. أسامة ..
اصحى انت وهو .. اجمعوا عندي بسرعة ..

(يعود لطارق)

أحمد : طارق .. لازم نسرق الانقلاب ده .. احنا اللي حانعله احنا
الى حانقوم بيه ...

طارق : (يسرح) .. ازاي ؟ ..

أحمد : أنا ماعرفش ازاي ... لكن انت تعرف ..

(لحظات ، طارق يهز رأسه بشدة وكأنه يبعد
الفكرة من رأسه)

طارق : اطلع من نافوخي .. ابعده عني ..

أحمد : اوزنها في مخك .. واسخن .. واسخن يا طارق .. اصحى
معايا ... أنا عارف ان الفكرة بدأت تدخل عقلك .. وعقلك
بدأ يشتغل فيها ..

طارق : ابعده عني يا أحمد يا تعيلب .. أنا مش قد الحاجات دي ..

أحمد : خايف .. ؟ انت عمرك ما كنت جبان .. خد قرار بسرعة
يا طارق .. مفيش وقت ..

(يدخل خليل وحسن ومرسى وأسامة يغالبون
المنعاس)

مرسى : فيه ايه .. حصل حاجة ؟

أحمد : فوق انت وهو .. فيه انقلاب حايجصل الليلة دي .. واحنا
الى حانعمله .. وحانعمله حلو قوى ..

خليل : حانعمله ازاي ؟

أحمد : طارق الرئيس هو اللي حايفكر لنا .. هو اللي حايحط الخطة
وحانشكل مجلس قيادة الثورة دلوقت ..

حسين : (يتنأب) .. ومين حايبقي الرئيس بتاعنا ..

أحمد : أنا طبعا ..

أسامة : انت حاتبتيديها ديكتاتورية .. ؟ تقول لي أنا طبعا .. الرئيس
بتاعنا لازم يكون منتخب ..

أحمد : مفيش وقت للديموقراطية ..

أسامة : (وهو ينهض في طريقه لغرفته) .. بلاش .. أروح أنا ..

(أحمد يمنع من الخروج)

أحمد : طب تعالى .. ماتزعلش ..

خليل : يا جماعة .. ديموقراطية ، ديكتاتورية .. الوضع الطبيعي
ان طارق هو اللي حايفكر .. وهو اللي حايط الخطة ..
واحنا كلنا بنتق فيه .. فيه حد عنده اعتراض ان طارق
يبقى الزعيم ؟

(الجميع يردون ماعدا أحمد)

الجميع : لا ..

أحمد : أنا ماعنديش مانع .. طارق ، أنا .. احنا اخوات ..

حسن : (يتشأب) .. طب أنا عاوز أنام دلوقت .. ممكن نعمله
بكره الصبح .. ؟

أحمد : (ينهره بشدة) .. اتنيل اسكت .. قوم اغسل وشك
عشان تفوق ..

حسن : (يهمس جانبا) .. لازم يشخط فى ..

(يدخل غرفته)

طارق : يا جماعة من فضلكم .. كل واحد على سريره .. بلاش
خرف فاضى ..

أحمد : ايه يا طارق يا أخى .. ؟ هو الواحد ما يعرفش يطلب منك
حاجة أبدا ..

(أحمد يذهب لسرير سعد ليوقظه)

أحمد : سعد .. سعد .. قوم ياله .. فيه انقلاب ..

سعد : يا أخى سيبنى أنام .. حرام عليكم ..

أحمد : فيه انقلاب فى البلد .. (ينام مرة أخرى فينهره بعنف)

.. قوم يا ابن الكلب حاتبقى وزير ..

(يجلس ولم يذهب عنه النوم بعد)

سعد : بتقول انقلاب .. ؟ دى بلدنا محتاجة انعدال ..

(يدخل حسن نشطا بعد أن غسل وجهه)

حسن : فقت .. جاهز .. عندى نشاط يعمل انقلابين ثلاثة ..

(يدخل ابراهيم ، يأخذ طريقه الى سريره مكفهر
الوجه)

أحمد : ابراهيم .. حانعمل انقلاب الليلة دى .. تدخل معنا .. ؟

سعد : (يتشأب بشدة ، يعلق بهمس وعفوية) .. آه .. ابراهيم
يدخل بنفرين ..

(أحمد يلقي عليه نظرة غاضبة وهو يصيح فيه)

أحمد : قوم اغسل وشك يا سعد .. عشان تفوق ..

(سعد يأخذ طريقه خارجا من الكالوس)

ابراهيم : من فضلك ابعده عنى ..

(ينهار على سريره يفشل في منع نفسه من
البكاء فينفجر باكيا)

أحمد : بتعيط ليه ياله .. ؟

طارق : سيبه يا أحمد .. ابعده عنه .. أنا عارف هو بيعيط ليه ..

(ابراهيم ينجح في السيطرة على نفسه ويبكي
بصوت خافت)

أحمد : اسمعوا يا جماعة .. المدير والوكيل والمشرف .. بيدبروا
ثلاثة انقلابات الليلة دي .. ومعاهم سنة رابعة وثلاثة وتانية
ده الموقف باختصار ..

(يدخل سعد يجلس بجوار المجموعة)

أحمد : اسمع يا طارق .. خلص الهزار ، مابقاش الا الجند .. اذا
كان قدر البلد ان العسكريين يحكموها .. يبقى لازم انت اللي
تحكم .. لما الانقلاب يخرج من المدرسة دي ، يبقى لازم انت
اللي تقوم بيه .. أنا ماضمنش حد تانى .. انت انسان
مثقف وقارىء .. وعندك مبادئ .. وبتحب بلدك .. وأذكى
من المدير والمشرف .. واحنا أكثر طهارة من سنة تانية وثالثة
ورابعة .. احنا كنا لسه مدينين من أربعة شهور .. يعنى
حايبقى فينا مزايا الحكم المدنى .. والحكم العسكرى ..
هم لأ .. هم خلاص بقوا عسكريين .. الأهم من كده
يا طارق ، ممكن يكونوا بيشتغلوا لحساب جهة أجنبية ..
احنا لأ .. احنا حانشتغل لحساب بلدنا .. طارق اذا كنت

بتحب بلدك صحيح .. تقدم ، لانقاذها .. أنا عن نفسي
نسيت كل أحلامي .. وبافكر فى حاجة واحدة وبس .. البلد
.. أنا متأكد انك لو حطيتها فى مخك .. حاترسم خطة
ناجحة مايه فى المايه .. طارق قلت ايه ؟ الوقت بيجرى ،
قلت ايه يا طارق ؟

(لحظات صمت ، صوت طلقتى بندقية متتابعين
.. سعد ينظر من النافذة)

سعد : (ببطء وحزن) .. ولد من سنة تانية .. وولد من سنة
تالثة .. مرميين على الأرض بينزفوا ..

(يبعد عن النافذة وهو يشعر بتقلص فى معدته ،
يجلس على سريره وهو يحاول السيطرة على
شعوره بالغثيان)

سعد : بدأوا بالدم .. مش حايثوقفوا ..
طارق : ده اللي كنت خايف منه ..

(طلقة بندقية أخرى .. يتحركون صوب
النافذة)

طارق : (يصرخ فيهم) .. ابعده عن الشباك انت وهو ..

(يبدو أن طارق يتعرض لاجهاد عصبي عنيف ..
الكل ينظرون له فى ترقب ولهفة .. صوت طلقة
أخرى)

أحمد : فيه اشتباك دموى حايحصل جوه المدرسة يا طارق .. واحنا ممكن نموت فيه .. أرجوك فكر .. على الأقل انقذ حياتنا ..
(صوت طلقة أخرى .. طارق فجأة يتوقف وينظر للمجموعة ويصيح فيهم بلهجة أمرية)

طارق : اجمع ..



(يتجمعون في صف واحد بنشاط)

طارق : (لهجته الآن ونظراته شيء مختلف تماما عن طارق الذي عرفناه في الجزء السابق من المسرحية) .. السادة .. أعضاء مجلس قيادة الثورة .. صفا .. انتباه .. احنا حانعمل دلوقت أهم وأسهل ثورة عسكرية في التاريخ .. كل الخطوات والعمليات التمهيدية للثورة ، اتعملت خلاص .. من حسن حظنا أن اللي قام بيها غيرنا .. مجموعة الأشخاص المسئولين المطلوب القبض عليهم .. خلاص اتقبض عليهم .. فيه مجموعات مسلحة طلعت وزمانها قبضت عليهم .. في الغالب ، حايحبسوهم هنا في المدرسة .

(أصوات مواير سيارات ، يلقى نظرة سريعة من خلال النافذة)

طارق : قبضوا عليهم وجابوهم فعلا .. التلات أتوييسات مليانين .. البلد دلوقت ما فيهاش مسئول واحد في بيته أو على مكتبه .. القوى المتصارعة داخل المدرسة .. حاتشتبك مع بعض .. وحا يكون اشتباك دموى زي ما قال أحمد .

أحمد : أنا من رأيي ..

طارق : (في غضب شديد) .. ثابت .. ولا كلمة .. أنا المسئول وأنا اللي بافكر .. وأنا اللي باتكلم ..

أحمد : (يعتذر في ضعف) .. أنا آسف يافندم ..

طارق : (يواصل) .. فيه احتمال أن القوى المتصارعة تخلص على بعض ، في الحالة دي احنا حانتتحرك بلا عقبات .. لكن أنا في تصوري أن سنة رابعة بحكم تدريبها وخبرتها ، حاتنتجج في القضاء على تالته وتانية .. بس حاتطلع من المعركة ضعيفة جدا .. قبل ما يلما صنفوهم ويرتبوا نفسهم .. حانكون احنا اشتغلنا .. احنا حانتتحرك بمجرد الاشتباكات فاتتوقف .. أول حاجة حانعملها ، نقبض على المدير والوكيل والمشرف .. أحمد ..

أحمد : أفندم ..

طارق : انت المسئول عن كده .. المشرف والوكيل يتحبسوا في العنبر ده (يشير للكالوس) .. المدير تجيبوهولى هنا .. مش عاوزه يغيب عن عيني لحد الثورة ماتنتجج ..

أحمد : حاضر يا أفندم ..

طارق : أسامة ..

أسامة : أفندم ..

طارق : حاتطلع على المكاتب .. تجيب لى آلة كاتبة .. وماكيننة استنسل .. وختم المدرسة ..

أسامة : حاضر يافندم ..

طارق : خليل ..

خليل : أفندم ...

طارق : حانتط من السور دلوقتى .. وتطلع على مبنى الاذاعة والتليفزيون .. تجيب لى أكبر موظف سهران هناك والدرجة المالية بتاعته .. وبعدين تطلع على الداخلية .. تجيب لى اسم ورتبة أكبر مسئول نوبتجى .. علشان أطلع لهم القرارات ..

خليل : قرارات فصل يافندم ؟

طارق : ترقية .. حاخليهم وزراء .. وبالطريقة دى يبقى ضمنا الاعلام والأمن .. وهم دول الجناحين بتوع أى دولة عصرية .. عاوزك لما تقابلهم تفهمهم اننا مسكنا البلد خلاص .. مش لسه حانمسكها .. لو عرفوا اننا لسه حانمسكها حايقبضوا عليك .. ماتطلعش مكاتبهم ، أقف تحت فى الاستعلامات وانداه لهم بالتليفون ، حاينزلوا لك على طول .. يالله .. ربنا معاك ..

(خليل يخرج من الصف ، يؤدى التحية ويندفع خارجا)

بقيت أهم نقطة .. وهى البداية الحقيقية للثورة .. اذاعة البيان رقم واحد .. طبعا المشرف والوكيل كتبوا ثلاث بيانات .. ولحسن حظنا ولفرط غبائهم .. أدوها لشخص واحد ..

(تتجه أنظار الجميع لابراهيم الذى يرتفع صوت تحيته .. ينهض من على سريره ببطء ويخرج البيانات الثلاثة وقد وضع كل واحد فى جيب ، يعطيها لطارق الذى يمزقها)

ابراهيم : (يرفع رأسه لأعلى) سامحنى يا رب .. هم الى ارغمونى على كشف السر .. وخذوا منى البيانات بالقوة ..

طارق : طبعا حلفوك على المصحف والمسندس انك تكتم السر ..

ابراهيم : (بتعاسة) أيوه .. بس انتم هجتموا على وخذتوا منى البيانات ، تحت تهديد السلاح ..

طارق : لما يحاكمونا ، حاشهد معاك بكده ... ولا يهكم ؟ أنا بقى حاديلك البيان بتاعنا من غير ما أحلفك .. (بلهجة ودية) ... أقف فى الصف جنب اخواتك ..

(ابراهيم متردد)

طارق : أقف فى الصف ، ماتحيرش المؤرخين .. حايقولوا كان معاهم ، وماكانش معاهم .. (لم يحسم الأمر بعد) ... يا عزيزى ابراهيم ، احنا قدرنا نموت الليلة دى ، يا حانموت فى الاشتباك ، يا حانموت لما ننكشف .. واذا عشنا .. يبقى حانعرف نخدم بلدنا .. (بصرامة) .. اجمع فى الطابور ..

(ابراهيم ينضم لهم بسرعة)

طارق : كلمة أخيرة .. مفيش طلقة رصاص واحدة حانضرب .. ولا حانستعمل السلاح الأبيض .. البنادق الى حانستخدمها .. كلها حانكون مش متعمرة ..

(فجأة نستمع لدفعات مدافع رشاشة ، وطلقات بنادق وانفجارات)

طارق : (صارخا) .. أرقد ..

(انطلام .. الضرب مستمر مع الانطلام الذى يستمر حوالى عشرين ثانية ، يتوقف كل شيء .. ظهور تدريجى للاضاءة)

(طارق لا يرد .. منهمك في اللعب تماما ...
يدخل أحمد وسعد وأمامهما المدير .. لا يجب
أن يقتاداه بشكل مهين)

طارق : افضل يا فتندم ..

طارق : المشرف فين ؟

أحمد : مش لاقيينه ..

طارق : (يقفز من مكانه وقد طاش صوابه) .. مش لاقيينه ؟ ..
لو خرج من المدرسة حاييوظ كل حاجة .. لازم تلاقوه فوراً .

(يتوتر ، لا يدري ماذا يفعل .. وفجأة يسرع
للنافذة ويفتحها)

طارق : (صائحا بأعلى صوته) .. ثابت ..

(يأتي صوت المشرف من بعيد)

المشرف : ولا حركة ..

طارق : في الجراش .. هاتوهولى ..

(يخرجان مسرعين ، يجلس مرة أخرى الى
المنضدة ، يلقي بورقة وهو يشعر بالانتصار ..
يدخل أحمد وسعد بالمشرف يقتادانه بسرعة
عبر المسرح ويختفيان به في الكالوس الثاني ،
يستولى طارق على كل الأوراق)

المشهد الثالث

(عند ظهور الاضاءة نجد طارق وحده على المسرح ،
هادئا تماما . أو لعله يحس بنوع من اليأس
المريح أسلمه لحالة من اللامبالاة . يمسك بيده
أوراق كوتشينة يعيد ترتيب أوراقها في هدوء .
منضدة صغيرة في منتصف الحجرة تماما .. يأتي
بكرسي ويضعه أمامها .. يأتي بجهاز راديو صغير
ويضعه على حافة المنضدة .. ينظر في ساعته ثم
يفتح جهاز الراديو .. نستمع الى صوت محطة
مغلقة ... يعلق الراديو مرة أخرى .. يجلس
.. يوزع أوراق الكوتشينة على نفسه وعلى لاعب
وهي يجلس أمامه .. يبدأ في اللعب .. حسن
ومرسي يدخلان بالوكيل)

الوكيل : (بصوت مخنق) .. كده يا طارق ..؟ ودينى لنا قايل
لأبوك ..

(طارق يشير لهم أن يقتاداه للداخل)

الوكيل : (وهو يحاول المقاومة) .. عيب يا طارق ، ده أبوك
صاحبى ..

(يختفيان به ، مرسي يعود)

مرسي : تصور .. الطحن ده كله .. ولا واحد مات .. انما
الاصابات كثير جدا ..

طارق : أحمد .. اتصل بالمستشفيات .. وخليك مع المصابين وقدم لي تقرير ..

(أحمد يؤدي التحية ويخرج مسرعا ، طارق يلم الكوتشينة ويضع أوراق اللعب جانبا)

المدير : الدور لسه مانتهاش ..

طارق : الدور انتهى .. والعشرة خلصت .. وأنا اللي خدتها ..

المدير : لأنك بتلعب لوحديك .. أو متصور انك بتلعب لوحديك ..

طارق : لو لعبت مع أى حد .. أنا اللي حاكسب .. تحب تجرب ..

(المدير ينهض ، يسحب كرسيه ويجلس أمامه ، مرسى يقف الآن انتباه فى طرف المسرح . وطارق يرتب أوراق الكوتشينة بسرعة)

طارق : (يوجه حديثه لمرسى) .. العصفور وصل العش ؟

مرسى : وصل يافندم ..

طارق : المهم يقنى على طول ..

مرسى : حايجصل يافندم ..

(يوزع الأوراق)

المدير : حانلعب على ايه .. ؟

طارق : على الحاجة الى طول عمركم بتلعبوا عليها ..

المدير : والى يخسر ..

طارق : رقبته حاطير بكره الصبح .. رقبته ورقبة الى خلفوه ..

(اللعب مستمر .. المدير ورقه سييء)

المدير : انتم قد الحكاية دى ؟

طارق : نجرب .. انتم بتحكموا من آلاف السنين ..

المدير : احنا مين ؟

طارق : الكبار .. كانت النتيجة ايه .. ؟ .. تعاسة وغلب فى كل حنة وكل مكان .. ادونا فرصة .. وسعوا لنا شوية جنبكم .. يمكن نعرف نعمل حاجة ..

المدير : كل اللي حاتعملوه انكم تزودوا تعاسة الناس وغلبها ..

طارق : مش ممكن .. دى مسألة عاوزه خبرة .. واحنا ما عندناش خبرة من أى نوع ..

(يفتح الراديو ، المارشات ، يتوقف المارش ونستمع للمذيع)

المذيع : أيها السادة .. بعد قليل نذيع عليكم بيانا هاما ..

(يعود المارش ، طارق يخفض الصوت)

المدير : (بحزم) .. طارق ، أنا باديلك فرصة دقيقتين .. تعتذر لى عن اللي انت عملته وتكتب استرحام وتروح تحط نفسك فى الكراكون انت وزمايلك ..

طارق : العب ..

المدير : البلد فى فى ايدى ..

طارق : البلد فى ايد الشخص الى البيان حايبتداع باسمه ..
العب ..

المدير : البيان حايبتداع باسمى ..

طارق : البيان بتاعك اتقطع من شوية .. العب ..
خلص الدور وانتهى اللعب ..

(تتوقف المارشات ، طارق يرفع الصوت ، نستمع
للمذيع)

المذيع : أيها السادة .. بعد لحظات نذيع عليكم بيانا هاما من طلبة
السنة الأولى بالمدرسة الثانوية العسكرية ..

(تعود المارشات ، كالمدهول يقف المدير ويهد
يده لرتبه العسكرية، ينزعها ثم يؤدى التحية
العسكرية لطارق الذى يقف مشدود القامة ..
بطء شديد تخفت الاضاءة .. وتنزل ..)

الستار

الفصل الثانى

المشهد الاول

(مكتب طارق .. شرفة متسعة في صدر المسرح
تطل على ميدان .. منضدة اجتماعات نصف
دائرية .. لوحة كبيرة عليها شعار ..) السعادة
لكل مواطن (.. طارق يطالع بعض الأوراق ،
وجهه متجه قليلا .. يرتدى ثيابا عسكرية
زاهية .. أكبر عدد ممكن من أجهزة التليفون
بأنكالها المختلفة .. يرد على مكالمات عديدة
باجابات مقتضبة .. مثال (موافق) .. (لا)
.. (كويس) .. (لسه بدرى على الحكاية
دى) .. (حدد له ميعاد) .. (مش عاوز)
.. (حط نفسك فى السجن) .. يدخل المشرف
على مكتبه .. هو نفسه مشرف المدرسة .. يحمل
أوراقا ، يضعها أمامه ويقف بأدب .. طارق يوقع
على الأوراق .. يخرج المشرف .. يعود طارق للرد
على التليفونات .. يدخل مدير المكتب ومعه
أوراق .. هو نفسه مدير المدرسة السابق ..
يقف بأدب وثبات الى أن ينتهى طارق من التوقيع ،
.. يخرج ، طارق يعود للرد على التليفونات ،
يضغط على أحد الأزرار .. يدخل المشرف)

طارق : أنا طالب حضرة الضابط الوكيل ، قصدى وكيل المكتب ..

المشرف : وصل اليونان يافندم ..

طارق : اليونان ؟ ..

المشرف : أيوه يافندم .. نزل بطيارة خاصة .. قال انه حايب
ساعتين ..

طارق : حايعمل ايه فى اليونان ؟

المشرف : مأمورية خاصة .. ويبدو أنها شديدة الأهمية .. الطيارة
كانت طالعة الكويت .. سيادة الوكيل استدعاها من الجو ..
ونزل الركاب .. وخذ الطيارة ، وطلع على اليونان ..

طارق : فعلا تبقى مأمورية هامة .. بس أنا ماعرفش عنها حاجة ..
(لحظة) .. فيه احتمال يكون هرب ؟ ..

المشرف : أنا متأكد يافندم أنه ماهربش ..

طارق : ليه متأكد .. ؟

المشرف : غداه هنا .. (طارق ينظر له فى برود) .. وأسرتة هنا ..
وماكانش معاه شنط لما سافر ..

طارق : ابعتهولى بمجرد ما يوصل ..

المشرف : حاضر يافندم ..

طارق : مواعيدى ايه النهارده ؟ ..

المشرف : (يقرأ من ورقة صغيرة) .. عشرة ونص اجتماع مجلس
القيادة .. حداشر لقاء مع خبير السلاح .. حداشر وربع
لقاء مع خبير الأمن .. متوقع أن المسيرة توصل الساعة
اتناشر .. حاتخرج سيادتك تحييم وتقول كلمة قصيرة ..

طارق : المسيرة دى جايه منين ؟ ..

المشرف : من كل أنحاء البلاد ..

٣٣٢

طارق : مين اللى عاملها ..

المشرف : الشعب ..

طارق : فاهم .. مين يعنى اللى منظمها .. ؟

المشرف : معلوماتى يافندم ان الشعب هو اللى منظمها .. (طارق
يعاود النظر له ببرود) .. بس الشعب استعان ببعض أعضاء
مجلس القيادة ..

طارق : هو ده اللى أنا عاوز أعرفه .. مين ؟

المشرف : السادة .. سعد السياف .. مرسى محمد أحمد .. أسامة
الزهار .. خليل الجمال ..

(يشير له بحركة خفيفة .. يخرج المشرف ..
طارق يضغط زرا .. يدخل مدير المكتب يتهم
دوسياها)

المدير : أفندم ..

طارق : الوكيل سافر اليونان النهارده .. بدون ما يستأذن ..
سفرية مريبة وتبعث على الشك .. عاوزك تبعث وراه مجموعة
.. تدور عليه فى أوروبا كلها .. وتجيبهولى ..

المدير : فى صندوق يافندم ؟ ..

طارق : صندوق ؟ ايه حكاية الصندوق دى ؟

المدير : ده نظام عامله هو شخصيا .. ساعات فيه ناس لازم
نجيبهم من أوروبا بسرعة .. مايقاش فيه أماكن فاضية فى
الطيران .. لكن العفش دايما فيه مكان .. ولذلك بنجيبهم

٣٣٣

في الشحن ٠٠ في صندوق ، وتذكرة الطيران في الشحن
كمان يتبقى أرخص ٠٠

طارق شكله ايه الصندوق ده ٠٠ ؟

المدير : شكله ظريف قوى ٠٠ من بره صندوق ٠٠ ومن جوه متنجد
على قد جسم الشخص المطلوب بالملي ٠٠ الوكيل بيحب مقاس
الشخص المطلوب من الترزى بتاعه ٠٠

طارق : طبعا مش عامل صندوق لنفسه ٠٠

المدير : لا طبعا ٠٠ بس أنا عامل له ٠٠ كنت عامل حساب حاجة
زى كده ٠٠٠

(يدخل الوكيل مسرعا وهو يلهث)

الوكيل : حضرتك عاوزنى يافندم ؟

طارق : (معنفا) ٠٠ كنت فين يا سيد ؟

الوكيل : كنت في اليونان يافندم ٠٠

طارق : بتعمل ايه في اليونان يافندم ؟

(يتردد ويبدأ في الارتعاش تحت تأثير نظرات
طارق الغاضبة)

طارق : رد ماتضطرنيش الجأ لأساليب أخرى ٠٠ (يصرخ فيه) ٠٠
كنت بتعمل ايه في اليونان ؟

الوكيل : كنت باجيب زيتون أسود ٠٠

طارق : (مصعوقا من الدهشة) ٠٠ زيتون أسود ؟

الوكيل : حضرتك طلبت امبارح زيتون أسود على الفطار ٠٠

طارق : وجبت لى زيتون أسود على الفطار ، ومستورد كمان ٠٠

الوكيل : أيوه يافندم ٠٠ طليانى ٠٠ لكن لاحظت انك بتاكل
باستياء ٠٠ أو ماكنتش مبسوط منه ٠٠ خطفت رجلى لحد
اليونان ٠٠ لقيت زيتون كويس ٠٠ كالاماتا ٠٠ عظيم ،
حاناكل صوابك وراه ٠٠

(طارق يطرق براسه في اكتئاب ثم يكلمه بصوت
مختنق ، وكأنه على وشك أن يمي)

طارق : حاتنهد الدنيا لو ماكلتش زيتون أسود كويس ٠٠

الوكيل : لو كلت حاجة مش عاجياك ممكن تتعكنن ٠٠ ولما تتعكنن
ممكن تاخذ قرار خاطيء في أى مشكلة ٠٠

(ينظر للمدير مستنجد)

المدير : ولو اتخذت أى قرار خاطيء في أى مشكلة ، ممكن الدنيا
تنهد فعلا ٠٠

الوكيل : المسألة بسيطة ٠٠

طارق : وجبت الزيتون ؟

الوكيل : جبته يافندم ٠٠ تحب تدوق ٠٠

طارق : لا ٠٠ كله انت ٠٠ مش حاكل زيتون ٠٠

الوكيل : زعلت يافندم .. ؟

طارق : لا .. مازعلتش .. مش فيه ناس بنبتل التدخين ؟ ..
أنا بطلت الزيتون .. اتفضل ..

(الوكيل يخرج .. طارق يعود لمكتبه .. المدير
يعرض عليه البوستة)

المدير : تلغرافات تأييد من كل أنحاء البلاد .. من كل نقابات
العمال .. نقابة عمال الحديد والصلب .. الغزل والنسيج
.. الصناعات الثقيلة .. تدمير الصحارى ..

طارق : استنى استنى .. فيه فى بلادنا صناعة حديد وصلب ؟ ..
ونسيج .. وصناعات ثقيلة .. أول مرة أسمع عن
النقابات دى ..

المدير : اتعملت الجمعة دى يافندم .. (يمد يده بورقة أخرى) ..
برقية تأييد من اتحاد عمال الغابات ..

طارق : عمال الغابات فين ؟ .. فى فنلندا .. ؟

المدير : لا عندنا ..

طارق : هى بلدنا فيها خمس شجرات على بعض .. ؟

المدير : ماهو علشان كده حانعمل غابات .. والبرقية من اتحاد
العمال اللي ناوى يعمل الغابات دى .. ماتدقش يافندم .. دى
حاجات معمولة من أجل العالم الخارجى .. أمال نقول للعالم
الخارجى ايه .. ؟

طارق : (بسخرية شديدة) .. عندك حق .. أصل العالم الخارجى
.. أهمل .. عيبط .. بريالة .. اللي تقوله يصدقه ..
خواجات بقى ..

المدير : (وكأنه يعتذر) .. على العموم يافندم .. دى تعليمات
السيد أحمد تعيلب ..

طارق : غيره .. ؟

المدير : (يمد يده بتقارير أخرى) .. تقارير من أوروبا الغربية
والشرقية .. وافريقيا .. ومن البلاد العربية .. كل
رجالة العهد البائد .. وكل أفراد مجلس الأعيان البائد ..
عملوا خمسة وعشرين محطة اذاعة ضدنا .. وستين جورنال
وبيجهزوا للغزو ..

طارق : غزو ؟

المدير : أيوه .. متطوعين .. ومأجورين .. ومرتزقة ..

طارق : يتعرض على المجلس .. وتقارير الداخلى ؟

المدير : (يعطيه ورقة) .. الشعب كله معنا .. ماعدا شوية طلبة
وعمال ومثقفين ورجال دين .. شيوعيين طبعاً ..

طارق : متأكد انهم شيوعيين ؟

المدير : والله يافندم أنا باستنى توجيهات سيادتك .. لو حطينا
اديننا فى ايد الكتلة الشرقية ، حانقول عليهم رجعيين
وتحريفين .. وعملاء للبورجوازية والامبريالية العالمية .. ولو
حطينا اديننا فى ايد الغرب .. حايقوا شيوعيين طبعاً ..
ملحدين .. وأعداء الدين .. وفى الحاليتين هم أعداءنا ..

طارق : ولو وقفنا على الحياد .. يبقوا ايه ؟

المدير : يبقوا ولاد كلب .. ومطلوب حماية البلد منهم ..

طارق : قصدك حمايتنا احنا ..

المدير : البلد هي الثورة .. وانتم قمتم بالثورة .. يعنى انتم البلد
والبلد هي انتم .. وأى عدو لكم .. يبقى عدو للثورة ..

طارق : والحل ؟

المدير : أهو .. على مكتب سيادتك ..

(يشير للمجلد كبير موضوع على مكتب طارق)

طارق : (يفتح المجلد ويلقى نظرة ثم يصيح منفعلا) .. أمن أمن ..
أمن .. أجهزة أمن .. مكاتب أمن فى كل مكان .. وكل
جهاز أمن يتعمل عليه جهاز أمن تانى .. وعشان الجهازين
ينضبوا ، أعمل لهم جهاز أمن ثالث .. وهكذا .. كل
المشاريع اللي متقدمه لى من زملائى .. كلها أمن فى الداخل
والخارج .. والميزانيات المتقدمة مخيفة .. عشرات الأصفار ..
(يفتح بعض الأوراق) .. الأسلحة المطلوبة غالية جدا .. لو
وافقت على الطلبات دى كلها .. البلد حايبقى نصها جيش
ونصها مخبرين .. احنا لازم نستفيد من كل أخطاء الحكومات
العسكرية فى المنطقة .. لازم نفكر بشكل مختلف ..

المدير : يافندم ده علم .. لا بد من جيش قوى .. وأمن قوى ..

طارق : جيش قوى + أمن قوى = شعب ضعيف .. يتم ضربه
وتفتيته وتقسيمه فى أول فرصة .. التاريخ قال كده ..
أنا مش أجدع من هتلر .. والتجربة فى المنطقة بتقول كده ..

المدير : مش فاهم ..

طارق : الناس لازم تحب حياتها .. تعشقها .. كل واحد يحب
نهاره وليله .. مفيش حد فى الدنيا .. يجرؤ يقرب أو يعتدى
على شعب بيحب حياته ومستعد يموت عشانها .. تعالى ..
(يأخذ من يده الى الشرفة) .. بص .. شايف ايه ؟

المدير : أرض .. أرض فضاء ..

طارق : تعبير مهذب جدا .. اسمها خرابة .. الخرابة دى مغرية
جدا لأى حد .. أى عصابة .. أى واحد يفكر يستولى عليها
بوضع اليد ، بقضية مزورة .. يعمل عليها غرزة ويقعد فيها
وتبقى بتاعته بالتقادم .. ولو وقفت عليها جيوش الدنيا مش
حاتعرف تحميها .. لكن لو بنيت فوقها مصنع ، جامعة ،
معمل ، لو زرعتها ، مش ممكن حد يقرب منها .. هي دى
المسألة باختصار .. لو بلدنا وحياتنا بقت خرابة ، أى حد
حايطمع فيها .. أى حد حاينط عليها .. يجيلك لابس
عسكرى ، لابس سايج ، لابس تاجر ، لابس مستثمر ، لابس
سمسار ، لابس مزبحة ، فى النهاية هدفه واضح ومحدد ..
الاستيلاء على الخرابة .. أنا بصراحة بقى مش ناوى أعملها
خرابة .. أنا حاعمل بلدنا شىء عظيم وجميل ..

المدير : يافندم الرومانسية والأحلام حاجة ، والواقع حاجة تانية ..

طارق : مش أحلام .. الصحرا دى كلها لازم تتزرع وتتصنع ..
وكل واحد يحرس غيطه ومصنعه بفاس وبنديقية ..

المدير : يافندم أنا باحترم فيك أحلام الشباب وطهارته ، ونقاوته ،
وحماسه .. لكن لو استمررت تفكر بالشكل ده .. حايبجوا
يدبحوك هنا فى مكتبك ..

طارق : آه .. يعني كل الاجراءات دي لازم تتعمل عشان احمى
نفسى ..

المدير : عشان تحمى البلد ..

طارق : (يكاد يصرخ فى انفعال شديد) .. أنا مش البلد .. أنا
طارق ..

(على الفور نستمتع لصوت عايذة وهى تنادى
بعصبية وكأنها تستغيث)

صوت عايذة : طارق .. يا طارق ..

طارق : (ينسى وضعه الجديد ويجب بصوت عال) .. أيوه ..
مين اللى بينده .. ؟ (يستعيد نفسه على الفور ويتكلم بوقار
شديد) .. أيوه يا عايذة .. تعالى ..

(عايذة تدخل مندفعة ، يتلقاها بين ذراعيه ..
مدير المكتب على الفور يؤدي حركة للخلف در
بنشاط زائد .. طارق يشعر بحرج فيبعدها
عنه برقة)

طارق : (للمدير) .. نستكمل نقاشنا بعدين ..

(يخرج المدير)

عايذة : الناس دول تنبه عليهم ، يدخلونى بمجرد ما آجى .. مش
يسيبونى ملطوعة بين السفرا والوزرا .. والى ..

طارق : (يقاطعها مهدئا) .. طب اهدى بس .. اهدى يا حبيبتي
.. فيه نظام .. لازم نحترم النظام ..

عايذة : خمستاشر نفر شافوا الكارنيه بتاعى .. وكل واحد يقعدنى
على دكة وياخد الكرنيه ويغيب نص ساعة .. ويرجع يعتذر
لى وييتسم .. الحكاية دي اتكررت عشر مرات .. وفى الآخر
واحد قعد يحقق معايا .. (تقلده بسخرية) .. عاوزاه ليه؟ ..
أنا خطيبته .. أيوه يافندم عارف انك خطيبته .. أنا قدامى
ورق لازم أملاه .. لابد من كتابة الغرض من الزيارة ..
عاوزاه ليه ؟ .. أخيرا اضطريت أقول له وانت مالك يا أخى
عاوزه أحبه شويه ..

طارق : حبيبتي دي اجراءات أمن .. لابد من حماية الثورة ..

عايذة : حمايتها منى أنا ؟ .. دي تبقى ثورة ضعيفة قوى ..
طارق : (يتلفت حوله كما لو كان يخشى أن يسمعها أحد) .. وطى
صوتك ..

عايذة : (هامسة) .. هى الحيطان لها ودان كمان ؟

طارق : هنا بقى الودان لها حيطان .. الكلمة بتاعتك دي قالها واحد
على قهوة امبارح ..

عايذة : وحصل له ايه ؟

طارق : أبدا .. مش حايقعد على القهوة تانى .. فى الغالب لمدة
عشر سنين .. حبيبتي مفيش داعى نتقابل هنا .. لأنهم
بيطبقوا التعليمات على أى حد .. انشا الله يكون أبويا ..

عايذة : من يوم ماعملتوا الانقلاب ..

طارق : (مصححا) .. الثورة ..

عايدة : من يوم ما عملتوا (تتردد لحظة وكأنها لا تؤمن بصحة الكلمة ثم تواصل) .. من يوم ما عملتوا الى عملتوه .. سبعة أيام دلوقت ومفيش ولا تليفون منك ..

طارق : آسف .. كنت مشغول جدا .. وما اتصلتيش انت ليه ..؟

عايدة : كل ما اتصل ، يحولوني على خمسين سويتش .. وفي الآخر ألاقك بتكلم واشنطون .. باريس .. لندن .. موسكو ..

طارق : معلش .. الفترة الأولانية .. حاتبقى عصيبة شوية .. لكن بعد كده ، حياتنا حاتنتظم .. وحانشوف بعض كثير ..

عايدة : (صوتها بدأ يكتسب رنة حزينة) .. حانشوف بعض كثير ؟ .. والله أنا خيفة يا طارق .. أنا بدأت أخاف على علاقتنا .. أكثر من كده ، بدأت أخاف على حياتنا نفسها .. كل اللي كنا بنحلم بيه .. اتهد خلاص ..

طارق : ايه الكلام اللي بتقوليه ده ؟ .. بقى الأحلام اللي كنت حاققها وأنا ضابط صغير .. مش حانعرف نحققها وأنا رئيس دولة ؟ ..

عايدة : طارق أنا أحلامي صغيرة قوى .. وعادة رؤساء الدول ما يعرفوش يحققوا الأحلام الصغيرة .. (لحظة) .. لما كنت بتأخر عن المدرسة عشر دقائق .. كانت الناظرة بتستناني على الباب ومعها العصاية .. امبارح رحت المدرسة متأخرة ثلاث حصص ..

طارق : (ضاحكا) .. طبعا لقيت الناظرة واقفة من غير العصاية ..

عايدة : لقيت وزير المعارف .. وكل المسؤولين فى الوزارة .. ومندوب اليونسكو .. واقفين صف واحد قدام المدرسة .. خير يافندم ؟ .. ايه الى أخرك يافندم ؟ .. عسى يكون خير يافندم ؟ ..

(يكتب للحظة ولكنه يحول الأمر لنكتة)

طارق : ودى حاجة تزعلك ؟ .. ناس مهتمين بيكى ..

عايدة : أهو الاهتمام ده هو اللي بدأ يفقدنى طعم حياتى .. كل ما أخرج من البيت باخرج فى موكب .. موتوسيكلات .. وحرس .. انت عارف انى بالعب تنس فى نادى شركة البترول ..

طارق : أيوه .. حد ضايك .. ؟

عايدة : لا .. بس كل ما ألعب ، الى قدامى يتغلب لى .. غلبت كل أبطال النادى .. امبارح دخلت السينما أنا والأسرة .. لاحظت حاجة غريبة .. بتسوع البوفيه يبيعوا ورق دمغة وطوابع دمغة .. وكل المتفرجين بيشتروا منهم وهيصة وزيطه .. وخناق وضرب ..

طارق : وبعدين .. ؟

عايدة : بمجرد ما السنما نورت فى الاستراحة .. كل المتفرجين الى فى الصالة والبلكون والألواح .. هجموا على يدونى شكاوى وعرايظ .. الى انطرد من بيته .. واللى عاوز شقة .. واللى مظلوم فى الترقية .. واللى عيان وعاوز يتعالج .. (حزينة) .. يبدو أنى من هنا ورايح .. حاعيش حياة غير طبيعية .. (لحظات) .. طارق ..

طارق : أم ..

عايدة : ماتعرفش ترجع فى كلامك ؟

طارق : أرجع فى كلامى ؟ .. الثورة ، هى الحاجة الوحيدة فى الدنيا .. اللى يعملها ، مايرجعش فى كلامه .. الا فى حالتين .. يموت .. أو حد يرجعه فى كلامه بالقوة .. عايدة ، أرجوكى .. ماتحوليش المسألة لمأساة .. المهم أننا ما نغيرش .. مانحسش أننا فوق البشر .. هو ده المهم .. (يحاول تغيير مجرى الحديث) .. قوليلى يا حلوة .. الست بتاعة الرياضة عاملة فيكى ايه ؟ ..

عايدة : ما بتديناش دلوقت .. الوزارة نقلتها على الحدود .. على بعد ألفين وخمسمائة كيلو ..

طارق : (وهو يقوم ليكتب ملحوظة) .. أمال مين اللى بيديكى الرياضة ؟ ..

عايدة : الوزير .. بيدى فصلنا بس .. راجل مهذب .. وبافهم منه كويس .. (تقلد الوزير) .. فهمتى يافندم ؟ .. أشرح لك تانى يافندم ؟ .. لو المسألة صعبة عليكى .. بلاش تحليها يافندم .. والحاجة الصعبة بيحذفها من المقرر وهو واقف ..

طارق : جميل .. بيحذفها من المقرر بتاع الفصل ولا المدرسة ؟

عايدة : متهياً لى من المنهج بتاع الوزارة .. لأنه بيحذف ويروح ماضى على قرار وزارى بالحذف .. وكيل الوزارة بيبقى واقف وراه .. ياخذ القرار ويطلع جرى يطبعه استنسل ..

(يكتب ملحوظة)

عايدة : طارق ..

طارق : أيوه ..

عايدة : أنا جاية أسألك سؤال محدد .. بابا وماما وكل قرابى بيكلمونى فى الحكاية دى ..

طارق : حكاية ايه ؟

عايدة : حانتجوز امتى .. ؟

طارق : لما أتخرج .. لازم أدخل أكاديمية حكم الشعوب فى جنيف .. عشان أكون حاكم معترف بيه .. فى الأسرة الدولية لازم يكون معايها بكالوريوس فى حكم الشعوب ..

عايدة : تضمن لى .. بعد ما تاخذ البكالوريوس وترجع .. ما حدش يقبض عليك فى المطار ؟

طارق : ما حدش فى الدنيا بيضمن حاجة .. أنا أعمل الصبح والباقي على ربنا ..

عايدة : نتجوز وأسافر معاك سويسرا ..

طارق : لا .. لازم تكملى تعليمك .. ما حدش ضامن الظروف .. يحصل لى أى حاجة يبقى معاكى شهادتك .. كأن قوانين وزارة المعارف بتمنع أى بنت انها تتجوز وهى فى المرحلة الثانوية ..

عايدة : القانون ده اتلغى .. لجنة تطوير القوانين لفته .. الوزير نده لى فى الفسحة وقال لى الخبر ده .. والمدرسة كلها قالت لى مبروك ..

(ينهض لكتبه ويكتب ملحوظة)

عايدة : (تواصل) .. والا عاوزنى أستناك أربع سنين .. المتغيرات
الدولية سريعة جدا .. ماحدش عارف حايجصل ايه فى الأربع
سنين دول ..

طارق : سنة واحدة .. المقرر بتاع حكم الشعوب مضغوط فى
سنة واحدة .

عايدة : شكلى كما لو كنت باترجاك تتجوزنى .

طارق : حبيبتى أرجوكى .. ماتقوليش الكلام ده ..

عايدة : (ببطء وحزن) .. طارق .. لأول مرة باشعر بالخوف ..
مش المخاوف العادية الى كل الناس بتحسها .. لا ..

طارق : من ايه .. وعلى ايه ؟

عايدة : من كل حاجة .. وعلى كل حاجة .. (يخنق صوتها) ..

أنا مش بالومك .. أنا جزء من الماضى .. أو زى الجرايد
مابتقول .. من العهد البائد ... مفيش داعى نخجل من
بعض .. ومفيش داعى لمحاولة التهرب منى .. أنا مش
حاطاردك .. (تبدأ فى خلع الدبلة) .. مش حاطاردك
يا ريس ..

طارق : بتعملى ايه يا عايدة .. ؟

عايدة : ولا حاجة .. (تخلع الدبلة) .. عشان تبقى خفيف وانت
بتنطلق بالبلد لقدام .. علاقتنا حاتثقل حركتك .. انت كمان
ماتتكسفش ... اقلع دبلك ..

طارق : عايدة ..

عايدة : مش عاوزه أحطك فى موقف اختيار صعب .. بين الحكم
والحب .. حط الدبلتين دول فى متحف مكاسب الثورة ..

٣٤٦

(يزداد صوتها اختناقاً) .. باعتبارهم .. باعتبارهم رمز
... رمز لأول خساير الثورة ..

(تخرج فى اندفاع قبل أن تنفجر باكياً)

طارق : (ينادى) .. عايدة ..

(على الفور يدخل الوكيل)

الوكيل : أنا حاططها يافندم تحت رقابة شديدة .. فيه احتمال
تكون فيه جهات أجنبية وراء فسح الخطوبة ..

(طارق يضطرب بعد أن أدرك أن كل حوار مع
خطيبته كان مسموعاً .. ينظر له بغل شديد ثم
يكمل بتؤدة وبطء وكأنه يحاول منع نفسه من
الانفجار)

طارق : من فضلك .. شيل الميكروفونات الى فى مكتبى ..

الوكيل : يافندم الشغل له أصول .

طارق : من فضلك شيل الميكروفونات الى انت حاططها فى مكتبى .

(وكيل المكتب يهز رأسه فى استسلام .. يخرج
من جيبه حقيبة بلاستيك صغيرة بها بعض مفاتيح
ومفكات صغيرة ، يبدأ فى خلع الميكروفونات ..
يتناول فائزة زجاجية .. الميكروفونات موضوعة
فى كل مكان فى الغرفة .. الحوائط .. الأرضية

٣٤٧

.. مکتب طارق نفسه .. ملتصقة بكل الأثاث
 .. يضعها في الفأزة واحدا وراء الآخر فنستمع
 لصوت ارتطامها بقاع الفأزة الزجاجي .. ولتسهيل
 المهمة على المخرج من الممكن أن تكون هذه
 الميكروفونات ، دبابيس رسم أو مسامير تنجيد
 .. مغروسة في كل مكان .. الوكيل ينتهي من
 لم الميكروفونات ثم يأخذ طريقه خارجا ..)

الوكيل : (وهو خارج) .. الباقي مش بتاعى ..

اظلام تدريجي

المشهد الثاني

(المسرح مظلم ، أسامة يدخل ومعه شمعة ،
 يرتدى عباءة بيضاء لها غطاء رأس ، ليس مهوما
 أن يتبين الجمهور ملامح المشلين في هذا المشهد
 .. وإضاءة المشهد بشمعة واحدة كافيًا تمامًا ..
 ثلاثة أشخاص آخرين يظهرون .. يرتدون نفس
 الملابس .. الحوار ينور همسا بين الجميع وفي
 جو يفوح بالتآمر)

أسامة : قف من أنت ..

سعد : ده أنا سعد .. ومعايا خليل ومرسى ..

أسامة : كلمة سر الليل ؟

الثلاثة : الحق نفسك قبل ما تتاكل ..

أسامة : تمالوا ..

الثلاثة : خير ..

أسامة : لا مش خير .. عندي ليكم أبناء مؤلة ..

الثلاثة : يا ساتر ..

أسامة : الأفندي ناوى يضيع البلد .. ويضيعنا ..

الثلاثة : يضيعنا مفيش مانع .. انما يضيع البلد .. لا ..

أسامة : ناوى ياكلنا كلنا .. أول حاجة انخلص منها خطيبتة ..

بعد كده حايخلص مننا واحد وراء واحد ..

الثلاثة : مش معقول .

أسمعة : معقول ونص .. أنا وقع في ايدي تقرير خطير .. كاتب فيه بخط ايده ... لابد من الانفراد بالحكم والتخلص من بعض زملائي .. لأنهم عيال ..

الثلاثة : والله ما حد عيل الا هو ..

أسمعة : هو طبعا مش حايتهخلص من أحمد و ابراهيم وحسن لأنهم بتوعه .. ومسكهم أكبر حنت في الوزارة .. ماسكين الساخلية والخارجية والخزانة والاعلام .. ماسكين ومتبتين جامد ..

سعد : أنا يا حسرة ماسك أهيف حاجة .. الثقافة .

خليل : آمال أنا أعمل ايه .. أنا ماسك الصحة .. يعنى العيانيين .. نفسى أمسك حاجة فيها الخير ..

مرسى : وأنا قال ايه ممسكنى السياحة .. مش عارف أمسك فيها حاجة خالص .. ولا سايح عاوز يبجي ..

أسمعة : مفيش غير حل واحد .. عارفينه ؟

الثلاثة : نتغدى به قبل مايتعشى بينا ..

أسمعة : ونعم الكلام ..

سعد : بس يا جماعة احنا خالفين على المصحف ماحدثش يأذى التانى .

أسمعة : الحلفان ماينطبقش علينا .. لأننا حناذيه أذية دفاعية .. دفاعا عن البلد ..

خليل : وعلى أسوأ الظروف .. وعشان ما نطلعش كتابين قدام ربنا سبحانه وتعالى .. ليها حل .

الثلاثة : نصوم ثلاثة أيام ...

سعد : هس .. حد جاى ..

(يطفىء الشمعة ، يظلم المسرح)

المشهد الثالث

(ظهور تدريجي للاضاءة ، ابراهيم وأحمد يدخلان)

ابراهيم : السلطة دى لنة .. أنا كنت فاكر ان أحسن حاجة فى الدنيا هى الكباب .. بعد ما وصلت للحكم غيرت رأىي .. تصور .. أبويا امبارح راح يدفع ايجار الشقة .. صاحب البيت حلف مائة طلاق ماهو واخذ فلوس .. خطيب أختي كان متفق يدفع خمسمائة جنيه مهر وشبكة .. جه من نفسه دفع عشرة آلاف استرلينى ..

أحمد : مش كده وبس .. السلطة كمان تخل حظك كويس .. من خمسة أيام جالى واحد باع لى أرض المتر بربع دولار .. امبارح بالليل جه اشتراها .. تانى .. المتر بألف دولار .. عملت مبلغ ماكانش عند الملك قارون ..

ابراهيم : حاجة غريبة .. الراجل ده عنده أرض كثير قوى .. أنا كمان اشتريت منه ..

أحمد : وبعثت له تانى ؟

ابراهيم : امبارح بالليل برضه .. راجل ظريف جدا .. مسافر سويسرا النهاردة الصبح .. ادبت له المبلغ يحطهولى هناك فى البوسته .. والظاهر كمان باع لبعض زملائنا .. الواد أسامة كان بيعنى امبارح .. ما باع لى وبعثت له ..

(يدخل حسن أبو جراب ومعه مجلة أجنبية)

أحمد : (يعنفه فى غضب) .. ايه يا حسن .. كنت فين يا أخى ؟

حسن : باقولك ايه .. ماحدث يشخط في .. ماتشخطش في
تاني .. كفاية اللي حصل ؟

أحمد : ايه اللي حصل ؟

حسن : شخط في في التليفون .. أجهزة التصنت التقطت المكالمة ..
اتفضل شوف الجرايد الأجنبية كاتبة ايه النهاردة (يقرأ)
.. صراعات حادة وخلافات عميقة في مجلس الثورة .. كويس
كده ؟

أحمد : أنا آسف يا أبو علي ..

حسن : انتم قاعدين على مكاتبكم وانا دايم في البلد باعمل نقابات
.. وابتعت تلغرافات تأييد ..

ابراهيم : برافو ..

حسن : نقابة واحدة اللي تعبتني قوى .. الحديد والصلب .. قعدت
أدور لحد مالقيت واحد حداد عجوز .. خليته يمضي على
التلغراف ..

ابراهيم : بس الدنيا كلها عارفة ان ما عندناش مصنع حديد
وصلب ..

حسن : مش المهم يكون عندك مصنع .. المهم الياطرة .. الياطرة
انكتبت واتعلقت على دكان الراجل في ربع ساعة .. أمال
طارق فين ؟ ..

ابراهيم : جاى حالا .. أصل العلاقة متوترة شوية اليومين دول ..

حسن : علاقته بواشنطن ؟ ..

ابراهيم : بخطيبته ..

(المشرف يدخل ومعه صينية عليها أكواب الليمون
.. يرصها أمامهم على منضدة الاجتماعات ويأخذ
طريقه للخارج)

ابراهيم : (للمشرف) .. ابعت لي سجائر لو سمحت ..

(المشرف يخرج ، يدخل الوكيل ، يضع أوراقا
أمام كل عضو .. أحمد يكلمه برقة وتواضع
تخفيان احساسا شديدا بالعظمة)

أحمد : هيه .. عامل ايه دلوقت ؟

الوكيل : كويس يافندم ..

أحمد : وازى الأولاد ؟

الوكيل : بيبوسوا اديك يافندم ..

حسن : لو احتجت أى حاجة .. تعالى لي مكتبي ..

الوكيل : ربنا يخليك لينا يافندم ..

(الوكيل يخرج)

(تدخل بقية المجموعة ، سعد وأسامة ومرسى
وخليل)

سعد : كله تمام .. أنا وأسامة حركنا المسيرة .. خليل ومرسى
نظموا الهتافات ..

(طارق يدخل .. يقفون في تكاسل)

طارق : اتفضلوا ..

(يجلسون)

أسامة : عارف يا طارق لو شفت المسيرة من الجو .. شيء جميل
فعلا .. آلاف السيارات الملاكى ..

خليل : ماشيين صفوف .. وبسرعة واحدة ..

موسى : والناس سعيدة بشكل جنونى .. وقاعدين يهتفوا
بالكلاسات .. بيب بيب .. طارق ، بيب بيب طارق ..

طارق : هم دول بقى اللي ممكن يهتفوا ضدى بنفس السعادة ..
ونفس الحماس .. حايبقى نفس الهتاف .. بس حايزودوا
له كلمة يسقط ..

سعد : طارق اسمح لى .. انت بدأت تتعالى على الجماهير .. دى
اهانة لعقلية الجماهير ..

طارق : الجماهير هى اللي موتت سقراط يا سعد .. ثم المسيرة دى
مش جماهير ده انت وأسامة لابسين جماهير .. متكرين فى
هيئة جماهير ..

أسامة : ماهى طبعا الجماهير عاوزه حد يقودها ..

طارق : ياريت المسألة كانت تمت بالشكل ده ..

خليل : ماهى تمت بالشكل ده فعلا ..

طارق : لا .. بالفلوس ..

(يهسك بكشف فى يده)

طارق : ده كشف بالمبالغ الى انسحبت من وزارة الخزانة .. فيه
مبلغ ضخيم جدا مكتوب قدامه تكاليف المسيرة ..

أسامة : فعلا .. بنزين وزيت .. وغلما وسجاير .. وبوكيت منى ..

طارق : (لا زال يطالع فى الكشف) .. مفهوم .. الحاجة الى
أنا مش فاهمها .. عشرين ألف دولار .. أدوية للمسيرة ؟ ..

موسى : ابراهيم كروان هو اللي قدم لنا الاقتراح ده ..

ابراهيم : فعلا ..

أسامة : دول يا سيدى اشترينا بيهم باستيليا للزور .. ودوا
غرغرة .. وسكر نبات ..

خليل : فيه ناس كثير صوتهم بيتشرخ وهم بيهتفوا .. لازم نكون
جاهزين لكل احتمال .. وكالات الأنباء نازلة تسجيل صوت
وصورة ..

طارق : بشكل عام .. أنا مش موافق على السلوك اللي من النوع ده ..

أسامة : (يهمس للجالس بجواره) .. بدأت الديكتاتورية .. عاوز
يفرض رأيه علينا كلنا ..

طارق : الاجتماع ده حانخصه لبحث ثلاث نقط .. شديدة
الأهمية .. طريقة الحكم .. ؟ .. كيف سنحكم .. النقطة
الثانية .. التسليخ والجيش .. الثالثة .. الأمن .. لابد
من الانتهاء من بحث هذه المسائل النهارده .. لأنى حاسافر
جنيف .. وحاجيب سنة ..

أحمد : مين اللي حايحكم ولانت غايب ؟

طارق : مفيش حد .. لأنى مش حاكون غايب .. البوسطة حاتجيل كل يوم الصبح أمضيها .. وحايبقى جانبي فى الفصل تليفون مباشر .. احنا عندنا دلوقت وزارة مدنية .. رئيس الوزراء حا يكون مسئول قدامى ..

أحمد : هى الوزارة المدنية دى لسه حاتقع ؟

طارق : أيوه ..

أحمد : يبقى نروح احنا بقى .. لازمتنا ايه .. ؟

طارق : احنا مسئولين عن التخطيط .. وعن القيادة ..

سعد : الله .. ؟ .. مش المفروض نمسك كل حاجة ..

طارق : (بتوتر) .. أرجوك .. بلاش حكاية نمسك دى .. كلمة

ماسك .. ويمسك .. وتمسك .. بتعمل لى حساسية

شديدة ..

خليل : (هامسا لزميله) .. واضح أنه عاوز يمسك كل حاجة

بنفسه ..

سعد : بلاش كلمة نمسك .. مش المفروض اننا حانحكم .. ؟

طارق : هو ده السؤال .. كيف سنحكم .. ايه النظرية اللي حانمشى

عليها .. الرأسمالية والا الاشتراكية .. ولا النظرية

الثالثة ..

حسن : الرأسمالية نظام فاشل ، والاشتراكية نظام فاشل ..

والنظرية الثالثة ماعرفهاش .. والدبكتاتورية مكروهة ..

والديموقراطية ماتنفعناش .. يبقى مفيش قدامنا غير حاجة

واحدة ..

الجميع : ايه ؟

حسن : نحكم بالبركة ..

الجميع : يعنى ايه ؟

حسن : يعنى زى ما تيجى معنا ..

ابراهيم : يا جماعة المسألة بسيطة جدا .. احنا هدفنا السعادة لكل

مواطن .. والانسان يببقى سعيد لما يعمل اللي عاوز يعمل ..

نديها حرية .. نسيب كل واحد يعمل اللي على مزاجه ..

أحمد : ماهو فيه ناس حايبقى لها مزاج تموتنا يا ابراهيم ..

نسيبها تموتنا .. ؟

أسامة : احنا ما سمعناش رأى طارق ..

(طارق يقف .. يتحرك صامتا على المسرح فى

حيرة)

طارق : أنا حاكون صريح معاكم .. احنا مجموعة مليئة بالبراءة

والطهارة والنقاوة والحماس والنوايا الحسنة .. ومليانين كمان

حاجة تانية .. مليونين جهل ، وأنا أولكم .. قرينا صفحة

هنا وصفحة هنا .. كتاب هنا وكتاب هنا .. عارفين نظريات

الحكم بالشبه .. أنا كل أملى نعمل حكم ديموقراطى حقيقي

.. لكن ازاي ؟ .. ماعرفش .. الشيء اللي أنا متأكد منه ،

أنا بدأنا نرتكب نفس أخطاء الحكم العسكرى فى كل مكان

.. وحايكون مصيرنا .. هو نفسه مصير الحكم العسكرى فى

كل مكان .. يا خوفى من اليوم ده .. لما نهزأ بعض ..

ونشتم بعض .. ونقطع فى بعض .. ونسجن فى بعض ..

أسامة : مش ممكن ده يحصل .. مستحيل .. ده احنا حالفين ..

طارق : جهلنا وأخطأنا ممكن تنجمع فى النهاية وتتحول لقبيلة تنفجر فينا كلنا .. الحلفان مش حايمعها .. ولذلك أنا باقول نسيب كل حاجة على ماهى عليه لحد ما أتعلم أصول الحكم .. وفى خلال السنة اللى حاتعلم فيها .. ندم قوتنا الذاتية ..

سعيد : (هامسا لزميله) .. يقول اللى عاوز يقوله .. وبعد ما يسافر حاتتصرف احنا ..

حسن : على العموم من حسن حظنا أن مجتمعنا مفيش فيه مشاكل حادة .. يعنى لا عندنا اقطاع .. ولا استعمار ولا رأسمالية مستغلة ..

ابراهيم : بالعكس الرأسمالية اللى عندنا ظريفة جدا .. يعنى تباع أرض ، تشتترى أرض .. ولو لقينا بترول الشعب كله حايبتسط ويبقى سعيد جدا ..

طارق : النقطة الثانية .. التسليح واقامة جيش قوى ..

(يضغط الجرس فيدخل المشرف ودعه شخص شديد الأناقة يجهل حقيقة سوسمونايت)

المشرف : السيد عدنان البندقجى .. مندوب شركات السلاح العالمية ..

ابراهيم : (هامسا لأحمد) .. مش هو ده الراجل اللى باع لنا الأرض ؟

أحمد : (هامسا) .. آه هو ..

ابراهيم : يخرب عقله .. لحق يرجع من سويسرا ..

أحمد : هس ..

(عدنان يتحدث بأناقة رجال العلاقات العامة ، ولكنه ينسى نفسه أحيانا ويصبح أشبه بهؤلاء الذين يبيعون الشربة العجيبة فى الموالد)

عدنان : السادة أعضاء مجلس قيادة الثورة .. مجموعة الشركات اللى باتشرف بتمثيلها .. لا تقدم فقط العتاد والسلاح .. ولكنها أيضا تقدم .. المعرفة .. تقدم الدراسات والمعلومات عن كل أعدائكم الحاليين والمحتملين .. وأيضا تقدم لكم النصائح فى مواجهة كل الاحتمالات .. وآخر تقرير عندي .. أن حضراتكم معرضين لغزو قريب .. من الجو .. والأرض .. والبحر .. كمان بنتولى عمليات التدريب وتقديم الخبراء .. وعمليات الصيانة وقطع الغيار .. وذلك بسعر التكلفة الفعلية .. وبتسهيلات فى الدفع .. وبدون أرباح .. لأن الشركات اللى بامثلها .. تتمسك بالأخلاق والضمير وكل هدفها هو مساعدة شعوب العالم الثالث اللى بتبحث عن الاستقلال .. وعن غد أفضل ..

(يفتح حقيبة .. نكتشف أنها ممتلئة بعدد كبير من لعب الأطفال على هيئة أسلحة .. دبابات وطائرات .. وغواصات .. الخ)

عدنان : (يخرج طائرة صغيرة) .. أعظم وأسرع وأقوى طائرة مقاتلة فى العالم .. 4 H 40 (يمر بها على الموجودين ليريهم

الربع والباقي على سنة وربع ٠٠ غواصة واحدة بس هي
الى ممكن تكشفها وتضربها ٠٠ س ٢٠ ٠٠ ودي برضه احنا
الى حانعلها ٠٠٠ لما تجهز ٠٠ تاخدوها ٠٠ وتدفعوا الفرق ٠

(يخرج دبابة)

عدنان : أحدث ما وصل اليه العقل البشرى فى صناعة المدرعات ٠٠
دال ١٥ ٠٠ D 15 ٠٠ دبابة مدرعة بأنواع سرية من الصلب
٠٠ لا يمكن اختراقها بأى نوع من أنواع المدفعية أو القنابل
٠٠ مجهزة بمدفعية صاروخية فى كل مكان ٠٠ (يمر عليهم
وهو يهمس بصوت لا يكاد يكون مسموعا) يا بخت من نفع
واستنفع ٠٠ (يرفع صوته) ٠٠ لو أصيبت إصابة عنيفة ،
حانتقلب على جنبها ٠٠ وتمشى ، وتضرب ٠٠ ولو انقلبت
على ظهرها ٠٠ حاتمشى برضه وتضرب ٠٠ ولو حصل أنها
حوصرت واتأسرت لا قدر الله ٠٠ الأعداء مش حايعرفوا
يفتحوها وياخدوا الناس الى جواها ٠٠ لأنها بتتفتح من جوه
٠٠ دى بتتباع بالدسته ٠٠ الدسته بألف مليون دولار ٠٠
ممكن نخفض لكم ١٠٪ لو خدتوا عشر دست ٠٠

طارق : (بسخرية) ٠٠ وطبعا الدبابة الوحيدة الى ممكن تضربها
هى دال ١٦ ٠٠ ودى لسه بتعملوها ولما تخلص ، حاتدوها لنا
وندفع الفرق ٠

عدنان : ما بنعملش دبابة اسمها دال ١٦ ٠٠ احنا بنعمل دال ١٥
المعدل ٠٠ الى هى المحسن ٠٠ هى هى دال ١٥ ٠٠ الفرق
فى الاكصدام والفوانيس وفى لون المدافع ٠٠ ومتركب لها
مراية زيادة ٠٠ لكن أنا أنصحكم تاخدوا دى ٠

اياها عن قرب ٠٠ عندما يقترب من أحمد و ابراهيم يهمس
لها) ٠٠ حصل ٠٠ الفلوس انحطت فى البوستة ٠٠ (يرفع
صوته) ٠٠ أهم ميزة فيها أنها ماتتضربش على الأرض ٠٠
أى ضربة جوية مفاجئة تزوغ منها ٠٠ وتحط نفسها فى أقرب
مخبأ ٠٠ من غير طيار ٠٠ ولذلك العسكريين بيسموها الزواغة
خفيفة الدم ٠٠ ثمنها ٤٠٠ مليون دولار ربعمائة مليون دولار
٠٠ يا بلاش ٠٠ تدفعوا عشرة دولار عند توقيع العقد ٠٠ والباقي
على أقساط ، ثمانية مليون دولار كل شهر ٠٠ طائرة واحدة
بس فى الدنيا تعرف تنقلب عليها فى الجو وتضربها ٠٠ على
الأرض ٠٠ وده برضه احنا الى بنعملها ٠٠ لسه بنعمل
عليها تجارب ٠٠ بمجرد ماتخلص ٠٠ ناخذ القديم ٠٠ ونديك
الجديد ٠٠ وتدفعوا الفرق ٠

(يخرج غواصة من الحقيبة)

عدنان : الغواصة S 19 ٠٠٠ فتح فى عالم القتال البحرى ٠٠٠
غواصة مقاتلة ٠٠ لا يمكن كشفها بأى رادار فى العالم ٠٠
لان المواتير بتاعتها ساكنة ٠٠ معمولة على نظرية العدة الساكنة
بتاعة وابور الجاز ٠٠ (يمر عليهم يريهم اياها يهمس لهم من
بين أسنانه) ٠٠ احنا مفتحين قوى ٠٠ ونحب الراجل المفتح
٠٠ وبنطلع جدعان معاه قوى ٠٠ ما حدش ضامن الزمن ٠٠
يحصل لك حاجة تلاقى لك قرشين حلوين ينفعوك فى
سويسرا ٠٠ (يرفع صوته) ٠٠ ولا السمك نفسه يسمعها تحت
المياه ٠٠ أهم ميزة فيها القدرة على المناورة السريعة ٠٠ والتنكر ٠٠
وإذا حوصرت من الأعداء ، عندها القدرة أنها تتحول لمركب
شراعى عادى ٠٠ ثمنها ستمائة وخمسين مليون دولار ٠٠ حاتدفعوا

طارق : شوف يا عزيزى البندقجى .. انت الظاهر عليك غلطت فى العنوان .. احنا ماعندناش فلوس للحاجات دى كلها .. ولما يحصل الغزو .. أنا حاعرف أخلى الناس تصدده بالبندق ..
عدنان : عندكم فلوس يافندم .. حاتلاقوا بترول .. التقرير الى عندى انكم حاتلاقوا بترول النهارده الساعة اتناشر ..

طارق : انت دمك خفيف قوى .. اتناشر ونص ومالقيناش حاجة .. (فى نفس اللحظة يدخل المشرف ومعه ورقة صغيرة يضعها أمام طارق وينصرف)

طارق : سحر .. كل الشركات لقت بترول ..
عدنان : مش قلت لك يافندم .. (طارق يمشى)
(تبتاثر تعليقاتهم)

... : الحمد لله ..
... : ياما انت كريم يارب
... : ده ربنا عالم بحالنا ..

... : أيوه كده يا أخى .. خليننا نعمل حاجة .. نعمل حاجة للبلد ..

... : أيوه .. نعمل حاجة للزمن ..
... : الخير على قدوم الواردين .. الراجل ده وشبهه كويس علينا ..
... : لازم نشترى منه حاجة ..

... : مدام ربنا ادانا .. نكسر بخاطره ليه ... ؟
طارق : بترول غريب .. بيلاقوه فى الوقت والمكان اللي هم عاوزينه بالضبط .. عشرين ألف برميل فى الساعة ..
عدنان : (مصححا وهو يقرأ من ورقة فى يده) .. عشرين ألف ٢٢٥ يافندم ..

طارق : بالضبط .. دى كومبيينة بقى .. لقوا البترول وعاوزين ياخدوه ويدونى شوية حديد .. فلوس البترول حاصر فيها فى حاجات تانية ..

أحمد : (محتندا) .. وده اسمه كلام يا طارق .. انت حاتسبينا عريانيين فى المنطقة .. ؟ .. يعنى ايه .. ؟ .. مش خانعمل جيش قوى ؟ ..

(طارق يصمت وينظر له فى عتاب ثم يتوجه بحديثه لعدنان)

طارق : طيب يا سيد عدنان .. احنا خدنا فكرة .. وحاببقى نبعث لك ..

عدنان : تحت أمركم ..
(يخرج)

طارق : أحمد ماتنساش نفسك .. ماتكلمنيش بالشكل ده قدام حد غريب .. ماتغلطش فى ..
أحمد : غلطنا فى البخارى يا أخى ..

(أسامة ينهض وهو يقول جهلته الى الشرفه ويضع
كفه فوق عينيه يراقب شيئا بعيدا)

ابراهيم : والله يا اخوان أنا من رأيى تشتري .. دى فلوس طالعة
من تحت الأرض .. حد عارف ده رزق مين ؟ .. مش جايز
شركات السلاح دى بتصرف على ناس غلابة فى أوروبا ..

(أسامة يعود من عند الشرفه)

أسامة : المسيرة على وشك الوصول .. حانشوف خير الأمن
والا نأجله لبعده المسيرة ؟

طارق : نشوفه .. ونبحث الموضوعين مع بعض ..

(يضغط زرا فيدخل المشرف ومعه السيد منتهى
الأمان .. هو نفسه عدنان الهندجى بهد أن
أضاف شاربا وغير الجاكتة .. يضع على عينيه
نظارة سوداء كبيرة .. ويرتدى قبعة وخوة تنزل
حافتها على عينيه)

المشرف : السيد منتهى الأمان .. خير الأمن المعروف .. وأخصائى
حماية الحكومات العسكرية .. دبلوم على فى الوشاية
والنميمة .. ماجستير فى مكافحة أجهزة التصنت والتصوير

.. دكتوراه فى القمع .. درجة الزمالة .. زميل كلية
المخبرين الملكية فى لندن ..

(المشرف يخرج .. منتهى يخلع النظارة والقبعة
.. يهدف السمع .. يجيل نظره فى أنحاء المسرح

طارق : خليك مهذب واحترم نفسك ..

(أحمد يواجهه فى غضب)

أحمد : الله .. ماتاخدى قلمين بالمره ..

(حسن يتدخل يبعدهما عن بعضهما)

حسن : يا جماعة مش كده .. روقوا ..

طارق : (محتدا) .. مش أول تاجر سلاح يجيلى أشترى منه ..
ومش أى نوع سلاح أشتريه .. انتم ناسيين ان احنا لسه
ماملناش جيش .. أجيب الحاجات دى عشان تصدى عندى
.. لازم أسأل ناس عندها خبرة ..

حسن : أنا من رأيى تسأل الناس اللي بتثق فيها .. انت مش
بتثق فينا .. ؟

طارق : طبعاً ..

حسن : خلاص .. اسألنا ..

أسامة : (بلهجة غير ودية) .. على العموم حضرتك مش بتأخذ
القرار لوحدك .. احنا حنناقش المسألة .. والقرار حا يكون
بالأغلبية ..

طارق : جرى ايه يا أسامة .. ؟ .. انت عاوز توحى للأخوة الزملاء
أنى بدأت أتحول لديكتاتور والا ايه .. ؟

أسامة : والله أنا مش باوحى بحاجة .. أنا باتكلم على اللى مفروض
يحصل ..

بالتشويش على الأجهزة .. وهكذا .. الى ما لا نهاية .. أما
آخر اختراع عندنا في مجال الأمن السياسي .. فهو ده
(يخرج شيئا من الحقيقية) معتقل كاوتش .. مبنى على
نظرية قارب النجاة المصنوع من المطاط .. المعتقل ده ..
يتنفخ .. ياخذ عشرين ألف معتقل .. وهو ده متوسط عدد
المعتقلين في بلاد العالم الثالث .. وعندنا كمان ..

(يعود للحقيقة ويخرج منها جهازا دقيقا أشبه
بالساعة)

ممتهى : ايه ده يا جماعة .. دى الأودة ملخمة ..

(يقترب من الموجودين .. يمر عليهم بالجهاز ..
يتوقف عند حسن .. يمر بالجهاز على بدلته)

ممتهى : لا مؤاخنة يافندم .. آخر مرة قلعت الجاكته دى امتى ؟
حسن : امبارح .. البدلة كلها راحت للمكوجى ..

(ممتهى يجذب زارا فيخلعه من الجاكته)

ممتهى : وعند المكوجى .. انشال الزرار الحقيقي واتركب ميكروفون
اليكترونى من النوع المتخلف موديل ٦٦ .. بيرسل لجهاز
استقبال فى الغالب محطوط فى عربية على بعد ثلاثة كيلو ..
فيه قاعدة مهمة جدا فى الأمن .. احترس من المكوجى ..

(يعود للنظر فى الجهاز)

عفاريت مصر الجديدة - ٣٦٩

وكانه يراقب خطرا ما .. يرفع أصبعه الى شفتيه
طالباً منهم السكوت .. يفتح حقييته ويخرج
منها لعبة صغيرة على هيئة كلب .. يقترب بها من
جدران المسرح وقطع الديكور .. الكلب يصدر
صوتا .. يقترب من قطعة معينة من الديكور ثم
يخرج مفكاً صغيراً يلتقط به قطعتين معدنيتين)

ممتهى : دلوقت نقدر نتكلم ..

طارق : ميكروفونات ؟

ممتهى : (ببساطة ولا مبالاة) .. لا .. دى كاميرات موديل ٧٤ ..
دى كاميرا واحد مللى .. ودى نص مللى .. صوت وصورة ..
مجهزة بمعمل طبع وتحميض .. تصور وتحمض وتطبع فى
نفس اللحظة برضه الفيلم بيتبعث باللاسلكى لقمر صناعى ..
القمر يعكسه تانى .. فيلم ٣٥ مللى .. الكاميرا دى حاططها
السوفييت .. لذلك نلاحظ أنها كبيرة نسبياً .. والفيلم
أبيض واسود .. (مشيراً للكاميرا الأخرى) .. ودى أمريكية
بتشتغل بفيلم ألوان اسكوب ..

(يضع الكاميرات والكلب الصغير فى الحقيقة ثم
يوأجههم)

.. سادتى .. هذه التجربة البسيطة تثبت لكم أن الشركات
التي أمثلها تمتلك أحدث أجهزة التصوير والتصننت ..
وأجهزة الكشف عنها ثم أجهزة الكشف على الأجهزة التي
تكشف عنها .. ثم أجهزة كشف أجهزة التشويش على
الأجهزة التي تقوم بالشوشرة على الأجهزة التي تقوم

منتهى : فيه جهاز ريكورد من أحدث الأنواع موجود هنا ..

طارق : ريكورد .. ؟

منتهى : أيوة .. ومن أخطر الأنواع .. من النوع اللي احنا بنعمله

.. ريكورد كاست ربع مللي .. في حجم حبة السمسم ..

بس حالقيه .. حايروح مني فين ؟

(بسرعة يخرج جهازا آخر .. يمر به على الموجودين

ثم يتوقف عند الساعة .. يقترب بالجهاز من

خده)

منتهى : حضرتك بتشتكي من درسك .. ؟

أسامة : ما بتشتكيش منه دلوقت .. حشيتيه امبارح ..

منتهى : والدكتور اللي حشيت عنده درسك .. عيادته هنا ؟

في البلد ؟

أسامة : لا .. ده أخصائي أجنبي .. كان جاي زائر في المستشفى

العام .

منتهى : وبعد ما حشى لك درسك سافر .. ؟

أسامة : أيوه ..

منتهى : طب لو سمحت افتح بقك .. ماتخافش ..

(يهد يده بمقاط صغير داخل فم أسامة ..

يخرج شيئا لا يرى بالطبع .. يستعين على رؤيته

بعده)

منتهى : ريكورد بيشتغل بالبطارية .. مجهز بوحدة ارسال ..

يمكن يرسل لمدة سنتين .. طول ما انت فاتح بقك بيسجل

ولما بتقفل بقك بيسجل من مناخريك ..

(أسامة يشعر بالاهانة فيقف نائرا في سخط)

أسامة : أما راجل قليل الأدب صحيح .. انت جاي تنصب علينا

جاي تضيع وقتنا يا راجل انت .. اتفضل بره .

منتهى : أنا ممكن أقبل أى اهانة في الدنيا .. لكن لا أقبل أن

أطعن في شرف مهنتي .. حالا حاسمك عينه ..

(يخرج جهازا آخر يضع فيه الريكورد المزعوم

بواسطة الملقاط فنستوع من خلال سماعة

المسرح الصغيرة الى الحوار الذي تم في المشهد

الثاني بين أسامة وزملائه .. قب من أنت ..

ده أنا سعد ومعيا خليل ومرسي .. الخ ..

نستهر في سماع الحوار .. الموجودون

(صامتون)

أحمد : (يصيح بانفعال) .. مؤامرة ..

(اللحظات القادمة سريعة مبهمة .. تتعالى فيها

الصيحات والصرخات موحية بجو العنف .. طارق

يحافظ بهدوئه محاولا السيطرة على الموقف ..

كل هذا يحدث وحوار المشهد الثاني المسجل

مستهر .. عند نهاية حوار المشهد ، يأخذ منتهى

الجهاز ويخرج مسرعا)

أسامة : (يخرج مسدسه) .. ارفع أيدك لفوق انت وهو ..

ولا كلمة .. أى حركة حانضرب في المليون ..

(خليل وسعد ومرسي يفتحون حقائبهم ويخرجون

الرشاشات يناولون أسامة واحدا)

مرسى : أقف جانب الحيطه انت وهو ..

(أحمد وحسن و ابراهيم يقفون بجوار الحائط ..
خديل وسعد يجرون لهم عملية تفتيش سرية)

أحمد : (يحاول الاحتجاج) .. أسامة .. اعقل يا أسامة .

أسامة : اخرس .. ماحدث يفتح بقه بكلمة .. أقف ثابت .. حالا
حاشكل لكم محكمة عسكرية .. أى حركة حانضرب فى
المليان ..

طارق : (بهدوء شديد) .. بحيث لما تيجى المسيرة .. تخرج لهم
انت .. تديهم الاشارة .. يهتفوا بسقوطى .. وبالليل
يشوفونى فى التلفزيون وأنا باعترف .. باعترف انى
ديكتاتور .. وجايز أعترف انى خاين ..

أسامة : بالضبط .. ده الى حاتعمله .. اتفضل اكتب استقالتك ..
طارق : حاضر ..

حسن : جبان ..

أسامة : اخرس ..

طارق : ليه يا حسن .. ؟ أسامة برضه أخونا وحبينا .. مش
جايز يحكم أحسن منى ..

أسامة : اكتب الاستقالة .. (ينادى) .. هيئة المحكمة ..

(المدير والوكيل والمشرف يدخلون)

أسامة : ماحدث يدخل المبنى .. وماحدث يخرج منه .. اقطعوا
كل الاتصالات بالعالم الخارجى ..

المدير : حاضر يا فندم ..

طارق : الله .. دى هيئة المكتب معاهم ..

المدير : احنا مع السلطة الشرعية ..

طارق : أنا السلطة الشرعية ..

المدير : (يشير لأسامة ومجموعته) .. السلطة الشرعية الى هي
معاه الرشاشات .

(تخرج هيئة المكتب)

أسامة : انت متصور انى حاسيب مصير شعبنا فى ايد واحد رومانسى
مجنون زيك .. ؟

طارق : غلط طبعا .. لازم الى يحكم يكون واحد عاقل زيك ..

أسامة : اكتب الاستقالة ..

طارق : حاضر .. ماتزعقش .. حارفعها لمن ؟ .. للشعب طبعا .

(يمسك ورقة ويبدأ فى الكتابة)

طارق : عزيزى الشعب الذى يتحدث الجميع باسمه وبالنيابة عنه
الصالحون والمفسدون .. الحالمون والواقعيون .. الأذكياء

والبلهاء .. أرفع اليك استقالتي هذه .. بمحض اختيارى ..

وبكامل ارادتي .. (يتوقف وينظر لسعد) .. يا سلام ..

يا سعد .. نفس المصير الى ترسم لك من قبل ما تتولد ..

انك تتحول لجلاد .. يا خسارة .. ايه الى يخلى الشاعر

يتحول لجلاد .. أنا حاستقيل يا سعد .. وماعرفش

حاتسجنونى والا حاتنفونى .. والا حاتقتلونى .. لكنى الشىء

المؤكد .. ان الثورة حاتبتدى تاخذ اللون الأحمر ..

أسامة : (يصرخ فيه) .. ماتنكلمش مع حد .. اكتب الاستقالة ..
طارق : (يركز نظراته في عيني سعد) .. كنت متصور
ان اليوم ده حاييجي يا سعد .. ؟ انك ترفع الرشاش على
اخواتك ..

أسامة : ماحدش يسمع كلامه .. لسانه مليون سم ..

طارق : لا أمل .. لازم اكتب الاستقالة ..

(يعود للورقة)

سعد : ماتكتبش الاستقالة يا طارق (يترك مكانه) .. أنا مع
طارق .. الى حايقرب منه حافرغ فيه الرشاش ده ..

طارق : اللي يقعد معايا يا سعد مايرفعش رشاش .. يرفع كلمة
يرفع فأس .. ماترفعش الرشاش على اخواتك ..

(يأخذ منه الرشاش ويضعه على المكتب)

طارق : أنا حامشي قبل ماتنزل نقطة دم من أي حد فينا .. احنا
ناس ناضجين .. وينحب بعض .. مش كده يا خليل ..
مش كده يا مرسى .. يا خسارة .. كان نفسي نخرج كلنا
للجماهير واحنا يد واحدة .. رمز للاتحاد والاخوة وانعدام
الأنانية .. أصغر وأظهر مجموعة حكمت دولة ..

(يهدوء شديد خليل ومرسى يتركان مكانهما
ويضعان الرشاشين على المائدة ويقفان بجوار

طارق)

أسامة : خونة .. حافرغ فيكم الرشاش كلكم ..
(أسامة يرتجف من الانفعال .. من الواضح أنه
واقع تحت تأثير اجهاد عصبي يضعه على حافة
الجنون)

طارق : وتخرج للجماهير تقول لهم ايه ؟ .. قتلت كل مجلس قيادة
الثورة ..

(يقترب من أسامة حتى يلتصق به .. فوهة
الرشاش تلامس قلب طارق)

طارق : ضغطة منك دلوقت تطلع عشرين طلقة في قلبي .. بس
ماتنساش حاجة .. اللي بتاخده بالقوة .. فيه واحد
حاييجي يحرمك منه بالقوة .. (هامسا في رقة) نزل
الرشاش يا أسامة .. ممكن أحقق لك كل اللي انت عاوزه
.. من غير الرشاش ..

(يده تتراخي ، يسقط الرشاش على الأرض ..
يرتمى على صدر طارق وهو يبكي بحرقة)

أحمد : (صائحة) .. محكمة ..

(الجزء الباقي وحتى نهاية الفصل الثاني لا يجب
أن يستغرق تنفيذه بحال من الأحوال أكثر من
دقيقة .. ثلاثة يشكلون هيئة محكمة ، اثنان
ينقضان على أسامة فينتزعانه من صدر طارق
ويقفان عليه حرسا بالرشاشات .. أحمد يلعب
دور القاضي .. حسن عضو اليمين .. ابراهيم

عضو اليسار .. سعد يقوم بدور المحامي
(والادعاء)

القاضي : المتهم أسامة الزهار .. مذنب ؟

أسامة : ماتفرقش ..

القاضي : الادعاء ..

ممثل الادعاء : وبناء على كل ما تقدم .. أطالب باعدام المتهم ..

القاضي : الدفاع ..

(ممثل الادعاء ينتقل للناحية الأخرى ليقوم بدور
ممثل الدفاع)

الدفاع : طبعاً أنا موافق على اعدامه .. لكن .. عشان الشكليات
.. أطلب الرأفة لموكلتي ..

(تتقارب رؤوس هيئة المحكمة في عمليات تشاور
سريعة)

عضو اليمين : محكمة ..

القاضي : حكمت المحكمة حضورياً على المتهم أسامة الزهار بالاعدام
رمياً بالرصاص .. (بعنف بالغ) .. دور ..

(بحركة عسكرية سريعة وخشنة الحارسان

يقفان أسامة ويقفان به في مواجهة طارق)

القاضي : ويرفع الحكم للتصديق ..

(أحدهم يأخذ الحكم بسرعة ويقدمه لطارق الذي
يؤشر عليه)

طارق : يخفف حكم الاعدام .. ويكتفي بلفت نظره .. وينقل سفيراً
لنا في بلاد الاسكيمو ... مفيش حد حايموت .. ولا حد
حايتأذى .. لسبب بسيط (بأسى شديد) .. ان المسرحية
كوميدي .. والناس لازم تضحك أكبر كمية ممكنة (بمرارة)
.. ده الناس حاتضحك علينا ضحك ..

(بنشاط يتجه الى الشرفة ، يفتحها فنستمع
لصوت صياح الجماهير (طارق .. طارق) يشير
لزملائه أن يتقدموه الى الشرفة .. يرفع ذراعيه
.. يزداد هدير الناس ... بينما تنزل ..)

الستار

المشهد الأول

﴿ يفتح الستار عن فصل دراسي شديد الأناقة ،
جهاز تليفون فوق كل تخته . . لوحة لجسم
بشرى بالحجم الطبيعي ، جسم بشرى متكامل
العضلات وكأنه بطل اغريقي قديم . . جورج
الفراش يقوم بتنظيف الفصل وتلميع المقاعد . .
جورج هو نفسه خبير الأمن والسلاح الذي رأيناه
في الفصل الثاني ، يرتدى يونيفورم بسيط
يجعله أشبه بعمال الفنادق يتأكد من عدم وجود
أحد يراه فيقوم - بخفة وسرعة - بتركيب أشياء
في أجهزة التليفون . . وفي الأدرج . . طارق
يدخل . . يتأمل المكان الذي يراه لأول مرة)

جورج : أهلا بيك يافندم . . أهلا بيك في أكاديمية حكم الشعوب

. . سويسرا نورت . .

طارق : منورة بأهلها . .

جورج : محسوبك ريدي جورج . . الفراش . .

طارق : ريدي جورج يعني جورج الجاهز . .

جورج : بالضبط يافندم . .

طارق : أهلا يا جورج . .

جورج : أهلا بيك يافندم . . النهارده صور حضرتك منورة كل

الجرايد والمجلات . . حضرتك حليت مشبكلة كبيرة جدا . .

الأكاديمية مفتوحة بقى لها شهر ٠٠ بمجرد ما حضرتك قدمت،
كلهم قدموا ٠٠ ولذلك ، أوروبا والعالم كله بينظروا لك نظرة
خاصة اذاعة لندن قانت ان حضرتك حاندى للحكم
العسكرى وجهه المشرق .

طارق : متشكر ٠٠

جورج : ربنا يقويك يافندم ٠٠ (بلهجة خاصة) ٠٠ أى حاجة من
سويسرا ٠٠٠ أى خدمات ٠٠٠ أنا تحت أمرك ٠٠

طارق : (ببرود متجاهلا ما يقصده) ٠٠ خدمات زى ايه ؟

جورج : زى أى حاجة .

طارق : زى ايه .

جورج : أى حاجة موجودة فى سويسرا ٠٠ ساعات مثلا ٠٠

طارق : متشكر ٠٠ (يتفرس فى وجهه) ٠٠ متهيأ لى شفتك قبل
كله .

جورج : ما اعتقدش يافندم ٠٠ هو أنا بس وشى من النوع المألوف .

طارق : أنا متأكد انى شفتك قبل كله ٠٠ استنى ٠٠ انت بتاع
السلح ٠٠

جورج : عدنان البندقجى ؟

طارق : أيوه ٠٠

جورج : ده ابن عمى ٠٠ نسخة منى ٠٠

طارق : يبقى ٠٠

جورج : منتهى الأمان ٠٠ خبير الأمان ٠٠

طارق : فعلا ٠٠٠

جورج : ابن عم أبويا ٠٠ أصلنا مجموعة من أولاد العم كلنا صورة
طبق الأصل من بعض (بسرعة كما لو كان يريد أن يتهرب)
٠٠ أهلا بيك يافندم ٠٠ عن اذنك .

طارق : (يستوقفه) ٠٠ جورج ٠٠ استنى ٠٠

(ينظر له طويلا)

طارق : انت شغال مع مين ٠٠ (لحظات) ٠٠ الروس والا الأمريكان؟

جورج : انت ذكى جدا يافندم ٠٠ وأنا أموت فى الأذكيا ٠٠

خصوصا الأذكيا بتوع العالم الثالث ٠٠ أى خدمات من

سويسرا ٠٠ أنا تحت أمرك ، لو وقفت فى أى شارع وقلت

أنا عاوز جورج ٠٠ ألف مين حايدلك ٠٠ (يستدير لينصرف)
٠٠ عن اذنك ٠٠

طارق : ما جاوبتنش على سؤالى ٠٠

جورج : مفيش حاجة اسمها الروس وحاجة اسمها الأمريكان ٠٠

وده الخطأ اللي بتقعوا فيه ٠٠ فيه حاجة اسمها القوى الأعظم

٠٠ الملوك ٠٠ ولما الملوك تلعب مع بعض ٠٠ أو تهزر مع بعض

٠٠ ما حدش منكم له دعوى ٠٠ لذلك المثل السويسرى بيقول

٠٠ حاتروح فين يا زعلوك بين الملوك ٠٠ هاها ٠٠ عن اذنك
يافندم ٠٠

طارق : برضه ما جاوبتنش على سؤالى ٠٠ شغال مع مين ؟

جورج : بصراحة ؟

طارق : أيوه ٠٠

جورج : ما عرفش .. أنا باصحي من النوم ألقى ظرف تحت المخدة .. فيه فلوس وتعليمات .. أنفذهما .. حتى لو رحمت أنام عند واحد صاحبي .. الصبح ألقى الظرف تحت المخدة .. لو رحمت نمت في لوكاندة .. الصبح ألقى الظرف تحت دماغي .. حبيت أعمل تجربة .. سببت الشقق واللوكاندات .. ورحمت نمت في خرابة وحطيت تحت دماغي قالب طوب ..

طارق : والصبح لقيت الظرف تحت قالب الطوب ..

جورج : لا .. لقيت مخدة تحت قالب الطوب .. وتحتها الظرف ..

طارق : يحصل ايه لو خدت الفلوس وما نفذت التعليمات .. ؟

جورج : أموت .. وفي أى مكان فى العالم .. حادثة عربية فى باريس .. هبوط مفاجيء فى القلب فى روما .. أقع من بلكونة فى لندن .. علما أن لندن ما فيهاش بلكونات .. هاها .. أى خدمات من سويسرا ..

طارق : متشكر ..

(يخرج جورج عندما تدخل مجموعة من الحكام العسكريين ، مهمة مصمم الأزياء أن يوحى فى تصميمه ملابسهم وبشكل غير مباشر بالبلاد التى ينتهون إليها كما أن مهمة المخرج أن يختار عناصر توحى ملامحها بالانتماء لأجناس مختلفة .. تكشيرة غبية تعلق وجوههم .. يتجاهلون طارق تماما .. طارق ينظر لهم مبتسما فى ترحيب)

طارق : أهلا .. أهلا .. أرجو اننا نقضى عام دراسى موفق .. انشاء الله .. واهى فرصة طيبة .. عشان نقدم لشعبونا .. (ينظرون لهم بتعجب وبلا ترحيب .. تموت .. ابتسامته)

طارق : (هامسا لنفسه) .. أعوذ بالله .. ده ايه التكشيرة دى ؟ ربنا يكون فى عون الشعوب اللى بتحكموها ..

(يدخل كاباتا وهو عملاق افريقي يرتدى ملابس عسكرية مزركشة ، يقف مقدما نفسه بصوت قوى وشراسة)

كاباتا : رئيس جمهورية كاجانيا الديمقراطية .. كاباتا .. كاباتانجو .. شجر شجر سنجر ، نوه .. بارنجى .. مارنجى ..

طارق : يعنى .. ترجم .. يعنى ايه ؟

كاباتا : يعنى .. التمساح العظيم ، الملتهم ، الشرس .. الذى يلتهم أعداءه واحدا بعد الآخر فى سهولة ويسر .. بلا رحمة .. ولا شفقة .. المعادى للديكتاتورية .. وحافى حمى الديمقراطية فى الغابات الشاسعة ..

طارق : أهلا وسهلا .. (لنفسه) .. ونعم الزملاء .. دى حانبقى سنة دراسية منيلة بستين نيلى ..

(كاباتا يجلس .. يرفع سماعة التليفون فى وقار .. كل المجموعة ماعلموا طارق تقوم بنفس الحركة)

كاباكا : خد الأخبار دى عندك ..

المجموعة : خد الأخبار دى عندك ..

(المجموعة تردد مقاطع من كلمات كاباكا)

كاباكا : نزلها فى التلفزيون والاذاعة .. والجرايد .. وأجهزة توجيه الرأى العام .. علقوها على قمم الأشجار فى الغابات .. ارسموها على الرمل فى الصحرا .. افتحوا عقول الناس وحطوها جواها ..

المجموعة : وحطوها جواها ..

كاباكا : هيئة التدريس فى الجامعات السويسرية تبلى دهشتها واعجابها من المستوى الثقافى الرفيع لكاباكا .. كاباكا يحصل على الدرجات النهائية فى كل مادة .. كاباكا يكتسح كل الرؤساء العسكريين فى مادة الديمقراطية .. ترشيح كاباكا للعمل أستاذا بالأكاديمية .. (لحظة) .. الأوغاد أعداء الشعب أخبارهم ايه ؟ .. اعدتهم .. يتحاكموا النهاردة ويتعلموا بكرة .. بس المحاكمة تكون عادلة .. او عوا تشنقوهم من غير محاكمة .. ماتودوناش فى داهية .. (لحظة) .. صنعوها محلى .. مفيش مشانق فى سويسرا .. دخت امبارح فى السوبر ماركت مالقيتش .. الحبال الى هنا كلها بلاستيك ماتنفعش ..

طارق : (بجد ووقار شديد وكأنه يتحدث عن مشكلة تخصه أيضا) .. فعلا .. الحبال البلاستيك ماتنفعش .. ممكن نتهم بأننا بنستخدم حبال مستوردة .. الحبال الى نشنق بيها لازم تكون نابعة من تقاليدنا وتراثنا ..

كاباكا : هيه .. اليمين المتطرف عمل ايه ؟ .. واليسار المتطرف

عمل ايه ؟ .. واليسار المتطرف .. والوسط المتطرف .. ؟ ..

كله تمام .. ؟ .. كويس .. مع السلامة ..

(يضع السماعة .. المجموعة كلها تنهى المكالمة

فى نفس الوقت)

طارق : (لنفسه) .. طبعا الوسط المتطرف ده هو أخطرهم .. (يلتفت لكاباكا) .. ايه يا عم كاباكا .. كل صحافة العالم بتقول ان الدراسة لسه حاتبتدى النهارده .. ايه بقى يكتسح وحكاية المستوى الثقافى الرفيع .. الناس تقول عليك ايه لما تقرا الجرايد ..

كاباكا : معانديش حد بيقرأ صحف أجنبية ولا محلية .. نسبة الأمية فى شعبى ٩٨٪ ومعمول حسابها انها تبقى ١٠٠٪ فى الخطة الخمسية الى جاية ..

طارق : ربنا يقويك .. ومش خايف من الاتنين فى المائة الى بيقرأوا ؟

كاباكا : لا .. لأنهم بيشتغلوا معايا ..

طارق : والاذاعات .. ؟ شعبك أطرش كمان .. ؟

كاباكا : عامل شوشرة على كل المحطات .. اطمن .. أنا عامل حساب كل حاجة .. محسوبك التماسح الشرس ماسك البلد بايد من حديد .. ضامن الحكم لأولادى وأولاد ولادى خمس آلاف سنة لقدام ..

(كل أجراس التليفونات تدق في وقت واحد ..
يرفعون سماعات التليفون ماعدا كاباتا الذى
لا يبدق تليفونه ، يستمعون لحظة ثم يضعون
السماعات)

الجميع : كاباتا .. كل سنة وانت طيب ..

كاباتا : وانتم بالصحة والسلامة .. خير .. ؟ عيد ميلادى
النهاردة ..

طارق : لا .. انقلاب يا خسارة ، صيفت بدرى يا تمساح يا شرس
اتضح انك مش ماسكها بايد من حديد ولا حاجة ..

(يدخل بونجو الحاكم الجديد)

كاباتا : (ترتفع روحه المعنوية قليلا عندما يشاهده) .. ده بونجو
.. سكرتيرى ومدير مكتبى وأخويا وحبيبي .. تعالى
يا بونجو .. طمنى .. مين اللى عمل الانقلاب .. ؟
بونجو : (بشراسة) .. أنا ..

(يفهم على كاباتا .. يسقط على التختة بلا حراك)

بونجو : (مقاسما نفسه) .. بونجو باندا باندا .. سارجى ..
مارجى ، سيكالولو شنجر ، سنجر ، نو .. يارنجى ..
مارنجى ..

طارق : يعنى .. ؟
بونجو : يعنى التمساح الطيب الذى تمكن من التهام التمساح
الشرير ..

طارق : (يكمل له) .. الذى يلتهم أعداءه واحدا بعد الآخر فى
سهولة ويسر .. بلا رحمة ولا شفقة ، المعادى للديكتاتورية
.. وحامى حى الديموقراطية فى الغابات الشاسعة ..

بونجو : بالضبط ..

طارق : يا أهلا بيك ..

(يدخل جورج فى خفة وهدوء ومعه زجاجة
صغيرة وحقيبة سفر متوسطة الحجم ، يقترب
بالزجاجة من أنف كاباتا فيفبق)

جورج : (يكلمه همسا مواسيا) .. أخ كاباتا .. الجماعة كلفونى
أبلغك أسفهم الشديد لى حصل .. الشنطة دى فيها بيجاما
وشبشب وقميص وبنطلون وأدوات حلاقة .. وفيه كمان فى
الشنطة عقد شراء بيت صغير باسمك .. البيت فى قرية
اسمها منسر فيل .. وهى أقرب مكان للبنك اللى انت حاطط
فيه المبالغ اياها .. فيه احتمال الصدمة تنسيك الرقم السرى
الى انت حاطط فيه الفلوس .. (يخرج من جيبه كارت
صغير) .. أهوه ..

(يعطيه الكارت والحقيبة ويخرج بهدوء وهو
ينهمز لطارق بعينه قبل أن يخرج ينحنى هامسا
لأحد الطلبة)

جورج : مليون دولار وربح أجيب لك كل امتحانات آخر السنة
قابلنى فى الحوش ..

(يخرج)

(كاباتا الذى كان على وشك الخروج يقف خطيبا
فيهم بكبرياء وهو متمالك لنفسه تماما)

كاباتا : لن يسكن شعبي وان بدا ساكتا .. لن ينحنى شعبي وان
بدا منحنيا .. لن يخضع شعبي وان بدا خاضعا .. وأنا ..
أنا لن أنخ وان بدوت ناخنا .. وستردد الغابات أصدااء أحلام
الشعب التى كنت أنوى تحقيقها .. وسترى وسترون ..
حاشوفوا .. (بسرعة خاطفة يخلع غطاء الرأس ويفتح
صدره وينهار مولولا) .. حاشوف فيك يوم يا بونجو يابن
باندا .. ربنا على الظالم .. ربنا على المفترى .. ربنا على
الخاين .. يا خاين العيش والملح .. تخونك الأيام ؟ ..
تخونك الليالى الى سهرناها سواا نموت فى أعداء الديموقراطية
.. روح يا بونجو .. الى ييجى على مايكسبش .. مدام جيت
على عمرك ما حاتكسب ..

(ينهار باكيا بحرقه)

طارق : الله .. الله .. مش كدا يا كاباتا .. مش كده يا شرس
.. اهدا ياملتهم .. تماسك يا تمساح .. عاوز تشمت فينا
الحكومات المدنية ..

(يخرج وهو يحاول التماسك)

طارق : (هامسا لنفسه) .. تمساح قال .. ولا السردين يعمل
كده ..

(يدخل البروفيسير وهو أشيب الشعر وله لحية
قصيرة ، يهسك بيده مؤشرا قصيرا)

البروفيسير : أيها السادة الرؤساء .. اسمحوا لى أن أقدم لكم
نفسى .. البروفيسير مايك وهو اسم مستعار ، حيث أن
النظام فى الأكاديمية يمنع ذكر اسم الأستاذ لعدم الاتصال
به أو التأثير عليه .. أيها السادة الرؤساء .. ان العالم
المتحضر كله .. والمتخلف أيضا .. ينظر لهذه التجربة
باهتمام شديد متمنيا نجاحها .. ونحن نعتمد على اخلاصكم
الذى لا نشك فى وجوده لتحقيق حياة ديموقراطية هائلة
سعيدة لسكان كوكبنا الصغير .. من أجل غد تختفى فيه
الديكتاتورية .. وتصبح نقطة سوداء منقرضة كديناصور
قديم .. وفى محاضرة اليوم سنتحدث عن القوة .. والشرعية
(يكتب الكلمتين على السبورة) .. وأبدأ حديثى فأقول ،
القوة لا تنتج حقا شرعيا .. حد من حضراتكم .. يعرف مين
الى قال الجملة دى ؟

(كل منهم ينظر للآخر فى قلق .. طارق يرفع

يده)

البروفيسير : اتفضل ..

طارق : روسو .. فى العقد الاجتماعى ..

البروفيسير : صح ..

(الجميع ينظرون لطارق فى شراسة وحقد)

طارق : (يعتذر لهم هامسا) .. أنا آسف .. آخر مرة ..

البروفيسير : وحتى اذا استخدم المجتمع كله القوة لوضع شخص ما
فى السجن ، فان هذا يعطى لنفس الشخص الحق فى وضع
المجتمع كله فى السجن اذا توافرت له نفس القوة ..

(ينظر طارق)

البروفيسير : حضرتك عندك فكرة مين قال الكلام ده ؟
طارق : للأسف لأ .. المفروض ان اللي قال الكلام ده .. جون
ستيوارت مل .. بس أنا ماعرفش ..

البروفيسير : صح .. وبذلك ..

(مؤثر موسيقى قوى يظهر معه حاكم جديد ..
يغمى على أحد الموجودين في نفس اللحظة التي
يدخل فيها جورج ومعه الحقيبة والكارت ، يقوم
بإفاعة الشخص المغمى عليه ويعطيه الحقيبة
والكارت ، يخرج رافعا رأسه للسماء ، متمتما
ببعض الأدعية غير المسموعة ..)

البروفيسير : يعنى القوة لا تنتج حقا شرعيا .. مهما حاول الأقوياء
الادعاء بغير ذلك .. ولقد أثبت التاريخ ويشهد دائما أن هؤلاء
الذين أتوا على أسنة الرماح .. يذهبون على أسنة الرماح ..
كما أن هؤلاء الذين يأتون على أسنة الارهاب .. ويذهبون
غالبا على أسنة المخبرين .. كان لابد من هذه المقدمة قبل أن
ندخل فى موضوعنا الرئيسى وهو جمهورية أفلاطون ..

(يشرح بالمؤشر الصغير على لوحة الجسم البشرى)

البروفيسير : يرى أفلاطون أن تركيب المجتمع يماثل ويطلق تركيب
جسم الانسان .. فى أعلى السلم الاجتماعى .. الحكماء أو

محبى الحكمة .. الفلاسفة يعنى .. وهم يمثلون الرأس فى
جسم الانسان .. ثم (يشير الى الصدر) .. القوى الغضبية
.. ومكانها الصدر .. ودى طبقة الحراس .. الى هي القوات
المسلحة فى العصر الحديث .. ثم بقية طبقات المجتمع ..
وقد أطلق عليها اسم القوى الشهوية .. أن هذا التقسيم ..

(مؤثر موسيقى أكثر قوة .. يظهر كاباتكا ..
يغمى على بونجو .. يدخل جورج ومعه الحقيبة
وتبدأ اللعبة .. دخول شخص ثم اغماء الشخص
الأخر .. وجورج والحقيبة .. تستمر اللعبة ..
لا يكاد الواحد فيهم يستقر على مقعده لحظات)

البروفيسير : من فضلكم .. من فضلكم .. خفوا شوية .. اهدوا
.. يا جماعة لابد من الشرعية .. الى بتعملوه ده لا يستند
للشرعية .. ده شغل عافية ..

(مستهزين فى لعبتهم)

البروفيسير : أرجوكم .. كفاية انقلابات .. عاوزين نشتغل ..
السنة خلصت ولسه ماتعاملتوش حاجة .. عيب كده ..
اهدوا شوية .. يا أسيادنا .. يا حضرات .. استقروا
شوية على الكراسى .. أرجوكم .. العالم كله بيرجوكم ..
باقول ايه .. ماتضطرونش أجيب قوات طوارئ أخطها فى
الفصل ..

(تنتهى لعبة احتلال الأماكن ، يستقرون فى
أماكنهم .. وعلى الحركة والموسيقى والاضاءة فى
هذا المشهد الأيحاء بالمرور الزمنى)

البروفيسير : من فضلكم .. بعد كده مش عاوز انقلابات أثناء المحاضرة بتاعتى .. عندكم الفسحة وعندكم الخمس دقائق اللي بين المحاضرات .. وعندكم السبت والأحد أجازة ..

(فحاة ، كل أجراس التليفونات تدق ما عدا تليفون طارق ، يرفعون سماعات التليفونات ثم يضعونها وهم ينظرون لطارق فى شماعة)

طارق : (يواجههم مبتسما) .. عارف .. كل سنة وأنا طيب .. وانتم بالصحة والسلامة .. (للأستاذ) .. فعلا يا بروفيسير .. عندك حق .. القوة لا تنتج حقا شرعيا ..

(طارق مرتبك ، ولكنه يحاول مداواة ارتباكته بأصطناع قادر من المرح .. لكنه لا ينجح فى مداواة احساسه بالصدمة)

.. بس صدقنى .. أنا ما وصلتش للحكم عن طريق القوة .. ما كانش عندى قوة من أى نوع .. (لهم) .. شمتانين طبعاً .. ماتفرحوش قوى .. أنا ماجيتش هنا على أسنة الرماح .. أنا جيت على أسنة الاذاعة والتليفزيون .. (ينادى) .. فينك يا جورج .. أول مرة ما يظهرش .. أول مرة جورج الجاهز .. مايقاش جاهز ..

(يفتح الدرج ويلم أوراقه)

.. طبعاً لا فيه جورج .. ولا فيه شنطة .. ولا بيت صغير ولا حساب سرى .. مالحقتش أعمل أى حاجة .. ماكانش عندى وقت .. وحتى لو كان فيه وقت .. ماكنتش حاطع مليم بره البلد .. وده الفرق بينى وبينكم .. وأدى النتيجة

.. (بلهجة خطابية يدارى بها احساسه باليأس الشديد) .. آدى النتيجة .. ها أنذا أواجه العالم بمفردى .. وليس معى دولار واحد .. عاريا .. طرزانا .. فلا نامت أعين الجبناء .. هه .. والله ما حد بيعرف ينام كويس الا الجبناء .. بس يا ترى مين اللي حايستلم منى ؟ مين اللي عملها فى .. ؟

(عابدة تظهر واقفة بجوار الكالوس ، بعد دخولها للحظات جورج يظهر عند الكالوس الآخر .. ذراع عابدة مربوط بالشاش .. اصابة أخرى فى رأسها .. طارق مذهولا .. ينقل بصره بينها وبين جورج)

جورج : (يهز رأسه نفيا) .. لا العالم الثالث لسه ماجربش الحكاية دى ... هو ال .. هو الانقلاب حصل فعلاً .. والخبر اللي جابته وكالات الأنباء صحيح .. بس الانقلاب أحبط ..

طارق : أحبط ؟

جورج : أيوه .. والى قاموا بيه كلهم فى السجن دلوقت .. معايا كشف بأساميهم .. شوية عيال من بتوع سنة تانية ..

(يغمز له بعينه ثم يرفع أصبعه علامة النصر واحفظ الطيب .. جرس المدرسة يدق .. جرس تقليدى قديم .. المجموعة كلها تخرج ماعدا طارق وعابدة .. يقترب كل منهما من الآخر ليقتفا لحظات فى دائرة الضوء ... ثم)

اختفاء تدريجى

المشهد الثاني

(ظهور تدريجي للاضاءة على الفور .. جورج
يمسك بمفرش يضعه على أحد التخت ثم يضع
عليه فاقة بها زهور .. يحرك حبل في الخلفية
فتنزل ستارة رسم عليها بخطوط سريعة فرقة
موسيقية أو مجموعة عازفين .. موسيقي جاز
خافتة .. ينحن جورج أمامها وهو يكتب في
نوتة وهمية .. ينصرف ..)

عايدة : لما حكيت لك أخبار البلد .. ما كنتش عاوزاك تكتب كده ..

طارق : يعنى .. بس صدقيني .. وده مش كلام للاستهلاك المحلي
.. أنا حاكون سعيد أكثر لما تكلميني عن أخبارك .

عايدة : أخبارى هي أخبار البلد .. طارق ، أنا كذبت عليك لما
قلت لك حصل لى حادثة .. أنا ماحصليش حوادث .. كل
ده (تشير الى اصابعها) .. من آثار فسخ الخطوبة ..

طارق : قصدك ايه .. تعرضتى لتعذيب ؟

عايدة : لا .. ولا حد جه جانبي .. أنا تعرضت لعملية تعذيب فى
المدرسة .. بمجرد ما أشيع خبر فسخ خطوبتنا .. مدرسة
الرياضة رجعت تانى ..

طارق : وبدأت تضربك .. ؟

عايدة : مش لوحدها .. بدأت أنضرب فى كل المواد ، ومن كل
المدرسين .. كان فيه مدرسين بيتنقلوا مدرستنا مخصوص
عشان يضربونى .. كل الأجزاء اللي اتحذفت من مقر

الرياضة رجعت تانى .. وفوقها رياضة بحتة على رياضة
ذرية .. على مش عارفه ايه كمان ..

طارق : مش ممكن .. مش معقول ..

عايدة : فعلا .. مش ممكن ومش معقول .. بس حصل ..

(يدخل جورج ممثلاً دور الجرسون .. يبدأ فى
وضع أطباق وهمية على المائدة ثم يخرج .. يبدأ
فى تناول الطعام)

عايدة : مدرسة الجغرافيا ست بنت حلال قوى .. هي كمان انضمت
للصف وقعدت تضربنى .. تضربنى بالنهار وتجيب البيت
بالليل لابسة ملاية ومغطية وشها ..

طارق : ليه ؟

عايدة : عشان تعيط وتقول لى سامحيني يا بنتى .. متها لها لو
ماضربتنيش .. حايعتبروها من عناصر الثورة المضادة ..

طارق : فظيح ..

عايدة : بدأت تحصل لنا مضايقات غريبة .. الماية ماتطلعناش ..
فى الدور الثانى .. وتطلع لكل الأدوار الى فوقينا .. فاتورة
التليفونات جت لنا وفيها مكالمات زيادة بثلاثة آلاف دينار ..
حتى الكمبيوتر الى بيحسب المكالمات ركب موجة النفاق ..
أبويا راح يجدد رخصة السيارة .. دفع ألف دينار مخالقات
زيادة .. كل ما يركن السيارة فى مكان ييجى الوئش
يشيلها .. يسبب الى قدامها والى وراها وياخذها هي ..

طارق : انتى بتجسمى الأمور قوى يا عايدة .. مش جايز تكون
دى كلها صدف سيئة ..

عايدة : احتمال .. على العموم أنا باحكى لك الى حصل ..

طارق : وبعدين ..

عايدة : ما استحملتش .. سبت المدرسة .. قعدت فى البيت ..
ثانى يوم طلع قانون يمنع البنات من ترك الدراسة .. وجه
وزير المعارف بنفسه رجعى المدرسة .. بالمدرعات ..

طارق : بالمدرعات ؟

عايدة : مش عارفه اذا كانت مدرعات ولا سيارات مصمحة .. أنا
كنت عند خالتي .. راح محاصر المنطقة وفتشها بيت بيت ..
لحد ما لاقانى .. صدف سيئة دى كمان ؟

(طارق لا يستطيع الاجابة)

عايدة : بعث لك جوابات كثير .. واسترحامات وشكاوى ..

طارق : ماو ..

عايدة : (مقاطعة) .. ماوصلتكش .. وأنا باكتبها .. عارفة انها
مش حاتوصلك .. ودلوقت أنا مش باطلب منك انك تصدقنى
.. أو ماتصدقنيش .. أنا باطلب منك انك تحمينى .. مش
بصفتى كنت خطيبتك .. فى يوم من الأيام .. لآ .. بصفتى
مواطنة فى نظام انت مسئول عنه .. ومن حقى أعيش حياتى
فى هدوء بدون مضايقات على الأقل لأنى مش من عناصر الثورة
المضادة .. ومش مشتغلة بالسياسة أصلا ..

المشهد الثالث

(الفصل في الأكاديمية .. كاباتا يدخل بخطوات بطيئة .. يتعثر في سيره .. يستند الى الجدران .. يبدو عليه أنه في حالة ضياع شديد وكأنه فقد أعز ما يملك في لحظة .. أو كأنه تعرض لصدمة عصبية مروعة)
(بعد لحظات يدخل جورج مسرعا)

جورج : كاباتا .. تأكد ان كل مشكلة في الدنيا لها حل .. ولا يهمك .. ماتضايقش نفسك .. هي صحيح مصيبة .. ومصيبة كبيرة قوى .. أول مرة تحصل في التاريخ .. بس ممكن نتصرف ..

(كاباتا يبتسم في فرحة ثم يتحول وجهه الى مسرح لانفعالات شتى .. يكتب ثم يبتسم ، يكلم أشخاصا دون أن يصدر عنه صوت .. ضائع تماما .. يدخل البروفيسير)

البروفيسير : جورج .. الامتحان بعد عشر دقائق .. الأمم المتحدة بعنت الأسئلة .. ؟

جورج : أيوه .. بس فيه مشكلة خطيرة جدا .. البروفيسير : خير ؟

(يشير لكاباتا)

البروفيسير : ماله ؟

جورج : حصل له شيء مؤلم ..

طارق : عايدة .. أنا آسف لكل الى حصل .. وأؤكد لك أنه مش حايجصل تاني ..

عايدة : حاتصدر بيان رسمي ؟

طارق : لا .. بيان شرعى .. حاعمل الحاجة اللي كان يجب عملها من سنة .. يالله بينا ..

عايدة : على فين ؟

طارق : على السفارة بتاعتنا هنا في جنيف .. حانكتب كتابنا .. من صلاحيات السفير أنه يكتب كتابنا ..

(يدخل جورج)

جورج : من حسن حظكم يافندم ان الماذون بتاع بلدكم موجود في جنيف .. بيتعالج .. وعندى فكرة انه معزوم على العشا في السفارة (ينظر في ساعته) .. يعنى ممكن تلحقوه ..

(يفهم له بعينه ويرفع أصبعه علامة التأييد .. يخرجان في سعادة)

البروفيسير : ايه ؟

جورج : حب يعمل حركة اعلامية دولية قبل الامتحان .. حب يثبت أنه استفاد من الدراسة وانه بقى ديموقراطى ..

البروفيسير : من حقه .. وبعدين ؟

جورج : سمح للمواطنين بالخروج من البلد .. بدون تأشيرة خروج ..

البروفيسير : برافو .. كويس قوى .. وبعدين ؟

جورج : شعبه كله خرج .. القرار طلع تمانيه بالليل .. وسبعة الصبح ماكانش فيه مخلوق فى البلد ..

(كاباتاكا ينظر له فى ابتسامه سهيله وبلهاء)

البروفيسير : بعد الامتحان مباشرة فيه حفلة التخرج .. الخبر ده لو وصل للناس .. الفرح بتاع حفلة التخرج حايتحول لمأتم .. ويبقى أسوأ دعاية ضد الأكاديمية ..

طارق : وهو ده خبر يستخبي ؟ كل الجرايد والمجلات التهاردة بنتكلم عن الحكاية دى .. المقال الرئيسى فى التايمز تحت عنوان « خرج ولم يعد » .. فى الجارديان المقال الرئيسى تحت عنوان « الرجل الذى فقد شعبه » ..

البروفيسير : مش قصدى الخبر ده .. قصدى خبر انهياره .. لازم العالم كله يعرف انه مش نادم على القرار ده .. وانه سعيد بيه .. وانه واثق أن شعبه حايرجع له تانى .. وان الديموقراطية عنده أهم من الحكم .. وأهم من وجود شعبه ..

طارق : فعلا .. الشعوب زايلة .. بس الديموقراطية ، هى اللي باقية ..

جورج : حاحاول معاه ..

البروفيسير : أرجوك يا أخ طارق .. ساعدنا فى المسألة دى .. مش لازم يحضر الامتحان .. أنا حاكتفى بدرجانه فى أعمال السنة .. بس لازم يقول خطبة فى الاحتفال .. أنا حاخضر له كلمة قصيرة .. ومطلوب انه يقولها بثبات وسعادة حقيقية ..

طارق : نحاول معاه ..
البروفيسير : (وهو خارج) .. بسرعة .. أرجوكم ..

(أثناء المشهد ، كان كاباتاكا منهكاً فى اجراء حوار مع أشخاص وهميين بنون صوت ، طارق وجورج لا يعرفان من أين يبداً)

طارق : (يقترب منه فى ود) .. ما انت كمان تلاقيك كنت مقفل عليه قوى يا كاباتاكا .. خرج يشم شوية هوا .. وحايرجع على طول .. حايروح فين يعنى ؟ ولا يهكم ..

(لا استجابة من كاباتاكا)

جورج : شوف يا كاباتاكا عزيزى .. أنا كنت عاملها لك مفاجأة .. لكن حاقول لك بقى .. شعبك كله موجود هنا فى سويسرا .. جه عشان يحضر الاحتفالات بتخرجك .. من فرط حبه ليك .. وبعده ما تاخذ البكالوريوس ، حايروح معاك .. أنا أتعهد انه حايروح معاك ..

طارق : طب بلاش جورج .. تشق في أنا يا كاباكا .. أنا حارو جهولك
بنفسى .. حاوصلهولك لحد البلد ..

(كاباكا ذاها لا عما حوكه)

جورج : (هامسا لطارق) .. مانفتش دي ..

طارق : طب اسمع يا كاباكا .. اتخلت .. حانكلم لك زمايلك ..
لو كل واحد منهم اتبرع لك بخمسين ستين ألف مواطن ..
حايبقى عندك شعب كويس قوى ..

جورج : الامتحان حايبتدى يا كاباكا .. أرجوك .. (يلجأ للغضب
المفتعل) ايه يعنى شعب يا أخى ؟ فى ستين داهية .. صدقنى
وجوده زى علمه .. كان بيعمل لك ايه يعنى ؟ كان جايب
لك الكلام والحديث .. كل ماتسنى حد .. يقعدوا يشتموك
فى أوروبا .. ده أنا افتكرتك حاتفرح ..

طارق : زحمة على الفاضى .. دلوقت هناك هو .. أنا لو منك
أروح أحكم فى الرواقه .. صدقنى يا كاباكا شعبك هو الى
خسران فى الحكاية دي ..

جورج : فعلا .. ولو لف الدنيا كلها ما حيالقى حد زيك .. انت
راجل عملت الى عليك .. هو الى مالوش فى الطيب نصيب ..

طارق : (يفتعل فرحة كبيرة وكأنه وجد الحل) .. بس .. لقيتها
.. سيب الحكاية دي على الله وعلى ..

جورج : (يجاريه فى الفرحة) .. حاتعمل ايه .. ؟

طارق : حانكلم له الشعب السويسرى يروح بداله .. انت عارف
الناس هنا طرف جدا .. ويحبوا يخدموا الغريب ..

ولا يمكن يتأخروا فى طلب زى ده .. وحاخليك تنقى
بنفسك ..

(يربت على كتفه ، يكاد يحنضنه)

طارق : بس تعاملهم كويس يا كاباكا يا حبيبي .. هه .. ماتقلش
عليهم قوى .. شوف .. أنا ممكن أبعت لك شعبي .. بس
رزل قوى .. وحايضايك ..

(لا أمل فى استعادة عقل كاباكا)

جورج : أرجوك .. اصرخ .. عيط .. زعق .. ألطم .. اعمل
أى حاجة .. أخرج من الحالة الى انت فيها ماتستسلمش
للجنسون ..

(لا أمل .. جورج ينظر لطارق فى ياس)

طارق : لا أمل .. نهاية حزينة لتمساح شرس أهبل .. يا أهبل
.. فيه تمساح ديموقراطى زيك يطلع قرار زى ده وينفذه ..
القرار حايطلع فى صحافة العالم كله .. وماتنفذوش .. تدى
اشارة شمال ، وتدخل يمين .. تتول حاتمشى لقدام ، وترجع
لورا .. يبقى ابنك على كتفك وتدور عليه ؟

جورج : ده انت فهمت المقرر كويس قوى ..

طارق : طبعا .. أنا فهمت حاجات كثير جدا ..

(جورج يرفع سماعة التليفون ويطلب رقما)

جورج : جهزوا لي الأودة الي بتنطل على البحيرة .. شخص شديد الأهمية .. لأ .. مش جنون خطر .. هي صدمة .. صدمة شعبية .. تؤ .. مش نزلة شعبية .. صدمة شعبية ..

(يضع سماعة التليفون)

جورج : قوم معايا يا كاباكا ..

(كاباكا لا يستجيب .. يستجبه جورج من يده كالطفل ويخرج به بهلوه)

طارق : جورج ..

(جورج يستدير ، طارق يشير بأصبعه لأسفل إشارة الهزيمة .. يشرح .. يدخل بقية الطايفة ويجلسون في أماكنهم .. يدخل البروفيسير)

البروفيسير : أيها السادة .. بعد لحظات توزع عليكم أوراق الأسئلة .. وفي هذا المساء سوف تجتمع نخبة من أكبر أساتذة العلوم السياسية في العالم كله لتصحيح أوراق الامتحانات .. وغدا في الاستاد الكبير يجرى الاحتفال بتخريج الدفعة الأولى من الحكام العسكريين الديمقراطيين .. وبذلك تبدأ صفحة جديدة في التاريخ ..

(جرس المدرسة ، يدخل جورج ومعه أوراق الأسئلة ، يضعها أمام كل منهم .. يقرأون الأسئلة ، كلهم يصابون بصدمة ، من الواضح أن

الأسئلة صعبة ، يبدأون في اعتصار أذهانهم بشكل مبالغ فيه ، طارق يجيب في هدوء وسرعة .. يبدأون في اخراج البرشام من تحت الكابات ومن داخل الجوارب .. ويبدأون في اخراج الكتب من داخل القمصان يتنبه طارق)

طارق : الله .. ؟ ايه الي بيحصل ؟

البروفيسير : فيه حاجة يا سيد طارق .. ؟

طارق : حضرتك مش شايف .. ؟

البروفيسير : الحاكم العظيم هو الذي لا يتدخل في شئون الآخرين .. خليك في نفسك ..

طارق : أيوه .. بس دي ..

(أحدهم يخرج مسدسا يضعه أمامه .. يتنبه الآخرون .. يضعون أمامهم المسدسات والسكاكين والطاوى .. والقنابل اليدوية .. وأصابع الجلجنايت)

طارق : (يتراجع) .. دي حرية طبعا .. كل واحد حر طبعا .. يجاب بالطريقة الي عاوزها .. دي حرية شخصية .. أنا آسف ..

(ينتهون من الاجابة .. يقومون واحدا بعد الآخر بتسليم الأوراق)

طارق : طبعاً أنا أعجب واحد فيهم .. لأنى لسه ماسلمتش الورقة .

(يتوقف عن الكتابة قليلاً)

طارق : بروفيسير .. فى الامتحان اللي من النوع ده .. من الأفضل للانسان .. انه يثبت أنه مذاكر المقرر ؟ .. والا يثبت انه انسان شريف .. ؟

البروفيسير : على الانسان أن يكون شريف فى كل الأحوال ..

طارق : عندك حق .. (يقرأ) .. ماهو تقييمك لمناهج الدراسة فى الأكاديمية .. ؟ (يجيب) .. حق يراد به باطل .. خدعة مدهونة ديموقراطية من أجل تثبيت الديكتاتورية فى أنحاء العالم الثالث .. كده .. يبقى ضمننت آخذ صفر .. اتفضل ..

(يقدم ورقة الإجابة للبروفيسير)

البروفيسير : بالعكس .. الإجابة دى بتثبت انك انسان شريف .. وحاكم ديموقراطى فعلاً .. وتضمن لك امتياز مع مرتبة

(جرس المدرسة ، اختفاء تدريجى ، على الفور نستمتع لموسيقى مهرجانات واحتفالات عالية .. يغلب عليها طابع الآلات الحاسوبية)

المشهد الأخير

(يبدأ زملاء طارق فى الدخول ، أحمد ، ابراهيم .. الى آخر المجموعة ، يرتدون ثياباً مدنية البهجة ويحملون باقات ورد)

ابراهيم : كويس كده .. حانعمل ايه دلوقت .. حانحضر الاحتفال ازاي ؟

أحمد : نتصل بالحكومة السويسرية تشوف لنا هليكوبتر يودينا .. أسامة : هو انت النهارده تعرف تتصل بجد .. البلد كلها مقلوبة .. خليل : العطلة دى كلها منك انت يا حسن .. لميت الناس وركبتها عربيات نقل .. وعلى آخر لحظة اكتشفت أن مالناش حدود مع سويسرا .. مش كنت تسأل ..

حسن : أسأل مين ؟ .. أسألك انت ؟ .. ده انت اللي لميت الناس فى الأول وحطيتهم فى المراكب .. وفين وفين لما اكتشفت أن سويسرا ماعندهاش بحر ..

خليل : الله .. بلد مالهاش موانى على البحر .. يبقى العيب فى أنا والا فى سويسرا ؟

أحمد : احنا مش جاين نتخافق .. حانحضر الاحتفال ازاي .. ؟

مرسى : مش لازم نحضره .. نتابعه فى أى تليفزيون ..

سعد : خلاص .. روح انت و خليل اصطادوا لنا تليفزيون .. بس بسرعة ..

(مرسى و خليل يخرجان)

الديكتاتورية البغيض .. انها المرة الأولى فى التاريخ التى
يجتمع فيها كل هذا العدد من الملوك والرؤساء .. والمفكرين
والفلاسفة والفنانين ..

مرسى : صوفيا لورين دى ؟

حسن : أيوه ..

خليل : والى جنبها ده عمر الشريف ؟

أحمد : كارتر يا غيبى ..

المديع : انها الفرحة الكبرى .. أعضاء الحكومة الأمريكية وأعضاء
الحكومة السوفيتية بيحضنوا حكام العالم الثالث ..

سعد : ده بيحضنوهم قوى .. حايكسروا ضلوعهم .

المديع : الجو النهارده فى جنيف جميل جدا .. كما لو كان بيحتفل
معانا .. والشعب السويسرى منامش طول الليل امبارح ..
فرحان بيرقص فى الشوارع .. والنظام داخل الاستاد بديع
جدا .. ومدير الأمن السويسرى عمل اللى عليه .. ومن حقه
علينا .. اننا نوجه له الشكر .. كمان مانساش السيد
رئيس الهيئة العامة ل .. الشباب اللى ظاهر فى الصورة
هو طارق الرئيس .. اللى طلع الأول على الدفعة .. شايفين
الورد اللى قدامه قد ايه .. كثير قوى .. لو الكاميرا حبت
تستعرضها .. حاتقعد شهر .. ورد من كل أنحاء العالم ..
هو اللى حاينخطب دلوقت .. حايقول كلمة الدفعة .. والأقمار
الصناعية حاتنقل كلمته لكل سكان العالم .. أهو ...
الكاميرا جايباه وهو قايم رايح على المنصة الرئيسية قدام
الميكروفونات .. والكاميرات .. بيخوض فى أمواج من آلاف

أحمد : احنا بقى نوضب الفصل .. ونقعد نتفرج هنا .. (لزملائه)

.. باقول ايه .. الله الله على الجد ، والجدن الله عليه ..
اسمعوا .. احنا كلنا فى الهوا سوا .. أى حد منكم يغلط
بكلمة .. حافتش كل حاجة .. كله تمام .. فاهم انت وهو
.. اللى حايجيب سيرة الطيارات حايجب له سيرة العمارات
.. واللى حايجيب سيرة الأتوبيسات ، حايجب له سيرة
المراكب .. واللى حايجيب سيرة الحسابات اللى فى البنوك ..
حايجب له سيرة الحسابات الجارية والنايمة والقاعدة ..

ابراهيم : جرى ايه يا ابو حميد ... وهى دى حاجة نتكلم فيها ؟

أحمد : باقول يعنى .. وتفهموا خليل ومرسى ..

سعد : هم فاهمين كل حاجة .

أحمد : طارق دلوقت حاكم شرعى معترف بيه من الدنيا كلها ..
وحاصل على بكالوريوس فى الديموقراطية بامتياز مع مرتبة
الشرف الأولى .. يعنى ممكن يسجنا كلنا ولا يهमे والدنيا
كلها تقف وراه ..

(يدخل خليل ومرسى ومعهما تليفزيون كبير
موضوع على مائدة تتحرك على عجل ، يضمعان
التليفزيون فى وضع يتيح لهم جميعا رؤيته ..
وبحيت يصبح ظهره للمتفرجين ، يضمعان توصيلة
الكهرباء فيرتفع صوت المديع)

المديع : أيها السادة فى كل أنحاء الدنيا .. أحييكم من الاستاد
الكبير فى جنيف .. حيث امتلأت المدرجات بمئات الألوف من
البشر الذين جاءوا من كل أنحاء المعمورة ، يحتفلون بزوال وجه

البشر .. لكن رجال الأمن السويسرى .. عاملين حسابهم ..
مضبوطين قوى .. واحنا بنشكرهم .. و .. (فجأة) ..
سادتى .. سادتى ..

(صباح شديد ، يظلم المسرح ، ثم يظهر طارق
فى بقعة ضوء بعيدة وأمامه المايكروفونات وخلفه
علم الأمم المتحدة)

طارق : يا سكان الأرض .. يا سكان الأرض ..

(يبدأ الصباح)

يا سكان الأرض .. أحبيكم .. (لحظة) .. بعضنا يصل
للحكم بدافع من الاحساس العميق بالوطنية .. وعدد كبير منا
يصل اليه بدافع من المغامرة وعشق الخطر .. وأعتقد أننى
أنتمى للنوع الأخير وكلنا نعتبر أنفسنا ثوارا ، وكلنا نتمنى
لشعبونا الصلاح والفلاح .. والذى ننجح فيه غالبا هو العودة
بشعبونا للوراء .. ولذلك نبعت الحاجة لأكاديمية حكم
الشعوب ، نتعلم فيها الديمقراطية ثم نعود لنعطيها لشعبونا
فتنحل المشكلة وتنامون مرتاحى البال والضمير .. وفكرة
انشاء المعهد بحد ذاتها نبيلة ، وهى ككل الأفكار النبيلة تولد
فى عقول الأنبياء ويسرقها اللصوص والفتوات ..

صوت مجهول المصدر : الله .. مش دى الخطبة اللى كتبناها له ..

طارق : غير أننى والحق يقال ، لم أكتشف ما اكتشفته الا بعد
التحاقي بالأكاديمية لقد أتاحت لى فرصة ذهبية للتعرف عن
قرب بزملائى الأعضاء الذين يحكمون قطعة كبيرة من الأرض
حكما عسكريا .. رأيتهم فى نفسى ، ورأيت نفسى فيهم وبدأت

أشعر بالخجل منهم ومن نفسى .. وبدأت أبعاد الخدعة كلها
تنكشف .. الديمقراطية لا تدرس .. ولكنها تمارس ..
وليس هناك حاكم ديموقراطى وآخر غير ديموقراطى .. هناك
حياة ديموقراطية وأخرى غير ديموقراطية ..

والديموقراطية لا تصنعها المعاهد أو حسن النوايا ..
ولكن تصنعها الشعوب .. بأن تصر عليها وتموت من أجلها
.. وأنتم يا من تنعمون بالديموقراطية فى بلادكم ، يا من
تعتقدون أن التخلف والفقر والديكتاتورية شئ جدير ولائق
بنا فقط بدافع من الاحتقار – وهو كما تعلمون خطيئة –
أقول لكم ، لستم بعيدين عنا .. والعنف فى طرقات مدنكم
هو امتداد للعنف العقلى الذى تفرضونه علينا فى أوطاننا ..
وذلك عندما تتجاهلون أن الناس سواسية كأسنان المشط
وهذا شرط أصيل فى الديمقراطية ..

وهذا الذى تصنعونه الآن هو خدعة ، تضاف للخدع التى
تلعبنوها على بلادى .. العالم الثالث .. الذى أصبح بفضل
ألعابكم الشيطانية عالما رابعا وخامسا وسادسا وسابعا ..
فأنتم تنتهزون الفرصة دائما لدفعه لآخر الصف ، بعيدا عن
الكبرياء والكرامة الانسانية ..

وأنا أعلن أمامكم رفضى لهذه الخدعة .. وأقدم استقالتي
.. وأطلب من زملائى العسكريين فى العالم كله .. أطالبهم
بحق الشرف العسكري ..

صوت : اقطع الارسال ..

(تختفى صورته ثم تظهر لوحة مكتوب عليها
نأسف لقطع الارسال)

المذيع : أيها السادة .. فيه عاصفة رعديّة عطلت الإرسال في كل الأقطار الصناعيّة .. والظاهر كمان السيد طارق تعب فجأة أو جاله كرامب .. لأنّي شايف رجال الأمن السويسريّ شايئينه وبيحطوه في طائرة هليكوبتر .. سليمة انشاء الله ..

(تخنفي اللوحة .. تعود اضاعة المسرح لما كانت عليه)

ابراهيم : طارق اتجنن ..

أسامة : لا .. ماتجننش .. هو مجنون من الأول ، قلت لكم كده ماصدقتونيش ..

أحمد : يا جماعة انتم حاتججروا على حريته ؟ .. احنا ناس ديموقراطيين .. من حقه يستقيل ..

سعد : والحل ايه دلوقت .. ؟

أحمد : هو فيها حل .. نقبل الاستقالة ..

مرسي : ونختار مين ؟

أحمد : نختار مين ؟ .. نختاروني طبعا ..

خليل : لا .. مش حانقبل الاستقالة ..

ابراهيم : أنا معاك .. هو تلاقيه قال كده في لحظة نشوة .. بس لما يبجي .. حانقله ..

حسن : نشوة ايه ؟ .. فيه واحد يحس بالنشوة يقوم يستقيل ..

ابراهيم : طبعا .. أصل طارق ده فنان .. لما شاف الكاميرات والناس حب يعمل حاجة عظيمة ، راح مستقيل .. لو أنا مطرحه أعمل كده ..

(طارق يدخل ، ومنذ لحظة دخوله يزداد ايقاع المشهد الى أقصى درجة)

طارق : سلام عليكم ..
الجمييع : وعليكم السلام ورحمة الله وبركاته ..

(ينظر لهم ولا يجد ما يقوله ، يستدير ليخرج)

طارق : سلام عليكم ..
سعد : الله .. طارق .. رايح فين ؟
طارق : خلاص ..

ابراهيم : كل حاجة خلاص .. ماشي ..
أسامة : ماشي رايح فين ؟ .. هو لعب عيال ؟

طارق : اسمعوا يا جماعة .. مفيش داعي نخدع نفسنا .. مش حانعرف نعمل حاجة .. لازم نسيب الحكم للمدنيين .. مش عاوزيني أمشي .. خلاص .. كلنا نرجع الثانوية العسكريّة .. نرجع مكاننا الطبيعي .. سنة أولى ..

ابراهيم : (يهمس جانبا في ذهول) .. يا نهار اسود .. نرجع تاني ؟

أحمد : والي خدناه ؟

سعد : مفيش حد يعرف يرجع الزمن لورا يا طارق .. انت ممكن
تعمل حاجات كتير قوى .. حاجات كتير جدا ..

طارق : زى ؟

سعد : آلاف المصانع .. نزرع ملايين الفدادين .. نبني آلاف
المدارس ونعلم كل الناس ..

طارق : وعشان أعمل كده كله وأرسيه وأرسخه فى الأرض ، لازم
أعيش خمسمائة سنة .. وأنا مش حايش خمسمائة سنة ..
لكن الشعوب بتعيش .. خمسمائة ألف .. وللأبد .. هى
الى تعمل الحاجات دى ..

أسامة : أيوه يا طارق ، بس انت عارف أن شعبنا ..

طارق : (مقاطعا) .. آه .. قاصر ؟ .. مش حايعرف يعمل
الديموقراطية ؟ .. يبقى مايستحقهاش ، ومايستاهلهاش ..
وعليه انه يموت ويندثر .. مش حايبقى أول شعب اندثر
فى التاريخ .. يا جماعة افهمونى .. الحكم مش مكاننا ..
ومش شغلتنا .. مهمتنا أنبل مهمة فى التاريخ .. حماية
الآخرين .. الموت من أجل حياة الآخرين .. فيه أعظم من
كده فى الدنيا .. ؟ انتم عاوزين تدخلونا بيت جحا وملاعب
شبحه .. ؟ ليه .. لازم نحتل مكاننا الطبيعى .. خليكم
معايا .. (يشير لصورة الجسم البشرى) .. شوفوا الجسم
الى قدامكم ده .. شوفوا قد ايه جميل .. وقد ايه قوى ،
لأن كل حاجة فى مكانها .. وكل حاجة بتقوم بوظيفتها ..
أحنا هنا .. ده مكاننا (يشير للصدر) .. عاوزين تعرفوا
لما بنحكم جسم البلد بيبقى شكله ايه ؟ أهو ..

(الصورة مرسومة على مربعات خشبية ، ينزع
مكان الصدر ويضعه فى أعلى الجسم فيصبح
الرأس فى المنتصف)

طارق : وبعد شوية ، يبقى كده ..

(الرأس الآن فى أسفل الجسم)

طارق : الدنيا كلها شايفانا كده دلوقت .. وبينعاملوا معنا على
هذا الأساس ..

أسامة : انت جاي دلوقت تقول لنا الكلام ده .. ؟

طارق : أيوه .. عشان أنا ..

(يدخل جورج فى أقصى حالات الغضب ، يهسك
بمخدة صغيرة .. يلقيها على المسرح فى غيظ)

جورج : ايه يا سيدى ؟ .. ايه ياخويا ؟ .. انت عملت دربكة فى
النظام العالمى كله .. اضطرابات فى افريقيا توتر فى أمريكا
الجنوبية .. سوق العملة اتبهدل .. الدولار وقع ..
الاسترلينى اتنيل .. انت مقدر خطورة الى عملته ؟

طارق : من فضلك أنا مش عاوز أوصياء على .. ومانكلمنيش
باللهجة دى ..

جورج : ما أكلمكش باللهجة دى ؟ .. بعد كل الى عملناه عشانك ؟

طارق : اخرس .. انت عاوز توحى لزمائى أنكم عملتونى .. ؟

جورج : لا .. بعقربتك .. بذكائك .. بقدراتك الذاتية .. طالب
في سنة أولى ثانوى عسكري يمسك بلد .. تصدقها انت؟ ..
كل خطوة من اللى حصل معمول حسابها بالكمبيوتر .. أنا
عاوزك تفكر وتسترجع الأحداث كويس .. الخدمة فى الليلة
إياها كانت عليكم .. على سنة أولى (يشير للشخصيات)
.. خليل واقف على السور الغربى .. مرسى ، على السور
الشرقى .. حسن على السور البحرى .. حاشوفوا التلات
عربيات والتلات خواجهات .. لازم ييجوا يحكوا قدامك
وقدام أحمد .. رابعة وتالته وتانية لابسين طوارىء والسلاحليك
مفتوح .. الكمبيوتر عارف درجة ذكائك بالضبط .. حاستنتج
ان فيه تلات انقلابات .. معروف أحلام أحمد تعيلب .. ومعروف
أنه غير قادر على التخطيط والقيادة .. وأنه حايستثير غرورك
وحبك للمغامرة .. بعد كده احنا اللى مهدنا لكم الطريق لكل
حاجة .. مؤامرة أسامة احنا اللى كشفناها .. لك ..
وأجبطنا لك خمستاشر انقلاب .. فوق .. اوعى تتصور
يا أح طارق أن فيه حاجة اسمها الصدفة على الكرة الأرضية
.. أى حاجة بتحصل يوم الخميس متخطط لها من يوم
السبت اللى قبله .. طارق .. اطلب أى حاجة .. احنا
ممكن نساعدك بأى حاجة ..

طارق : (يصمت لحظات) .. جورج .. أنا عاوزك تساعدنى
بحاجة واحدة بس .. ماتورينيش وشك تانى .. وأرجوك
روح قول للكمبيوتر .. أن فيه واحد قال لا ..

(جورج ينهار على أحد الكراسى)

(تدخل عايذة)

عايذة : أنا جاهزة يا طارق ..

طارق : وأنا جاهز يا حبيبتى ..

عايذة : حانروح فين ؟

طارق : ماعرفش .. لكن أكيد حانلاقى مكان .. مكان لسه
ماوصلوش الكمبيوتر ..

أحمد : طب بعد اذنك يا طارق .. حانتفاهم فى المسألة دى ..

طارق : اتفضلوا .. وأتمنى لكم حظ طيب ..

(يخرجون بسرعة شديدة .. على الفور نستمع
لطلقات رصاص متفرقة)

عايذة : ايه ده .. ؟

طارق : بيتفاهموا .. وهى دى طريقة التفاهم الوحيدة اللى بيعرفوها
.. يالله بينا ..

(يضع يده فى يدها فى طريقهما للخروج ، قبل
أن يخرج يلتفت لجورج ، يغمز له بعينه ويشير
بأصبعه لأسفل علامة الهزيمة .. تثبت الصورة
.. ببطء شديد تنزل ...)

الستار